

四庫全書

經部

欽定四庫全書

讀禮通考卷四十

刑部尚書徐乾學撰

喪儀節三

初終上

士喪禮

疏天子諸侯皆有士此當諸侯之士知者下云君若有賜不言王又喪大記云君沐粱大夫沐

稷士沐粱鄭云士喪禮沐稻此云粱蓋天子之士也又大斂陳衣與喪大記不同鄭亦云彼天子之士此諸侯

之士以此言之此篇諸侯之士可知但公侯伯之士一命子男之士不命一命與不命皆分為三等各有上中

下及行喪禮其節同但銘旌有異

乾學案士喪禮篇弔言士之喪禮至雜記喪  
大記諸篇則諸侯大夫士禮並陳今凡屬天  
子喪禮別見國邨篇其諸侯以下亦附見此  
篇之內蓋以後代開元政和禮諸書皆有品  
官喪禮諸侯亦品官也故不別為篇而總見  
於士喪禮內云 又案此篇之內有諸侯大  
夫喪禮而仍稱為士喪禮者以儀禮士喪禮  
篇為主也儀禮始末完具次第井如而他書

則不過偶見一二故以儀禮為主而他書附之總名為士喪禮云

死于適室幰用斂衾

注適室正寢之室也疾者齊故于正寢焉疾時處北牖下死而遷之

南牖下有牀衽幰覆也

斂衾大斂所并用之衾衾被也疏正寢對天子諸侯謂之路寢卿大夫士謂之適室

亦謂之適寢總而言之皆謂之正寢言正寢者對燕寢與側室非正大斂所并用之衾者案喪大記君大夫士皆小斂一衾大斂二衾今始死小斂之衾當陳故不用大斂未至且用大斂一衾以覆尸

郝敬曰死于適室正終也斂衾大小斂之衾喪大記云小斂一衾大斂二衾始死即用其衾覆尸以俟沐浴

乾學案每段之首不著篇名者皆士喪禮文也士喪禮首未完備每段以此為首而其他諸書採用者別標篇名焉觀者審之

喪大記始卒主人啼兄弟哭婦人哭踊

注悲哀有淺深也

問喪親始死雞斯徒跣扱上衽交手哭惻怛之心痛疾之意傷腎乾肝焦肺水漿不入口三日不舉火故隣里為之糜粥以飲食之夫悲哀在中故形變於外也痛疾在心故口不甘味身不安美也

注親父母也雞斯當為并纏聲之誤也親始死

去冠二日乃去筭纓括髮也徒猶空也上衽深衣之裳前五藏者腎在下肝在中肺在上舉三者之焦傷而心脾在其中矣悲哀在中變形於外言人情中外相應也疏筭謂骨筭纓謂韜髮之繒親始死去冠惟留筭纓士喪禮云小斂括髮是死二日乃去筭纓也徒跣無履而空跣也扱上衽扱深衣前衽於帶以蹠踊履踐為妨案深衣衽當旁以云妨履踐故註為裳前其實衽象小要屬裳處皆狹旁與在前俱得衽名但扱處當衽也交手謂交手拊心而為哭也傷腎乾肝焦肺舉此三者五藏俱傷可知也不舉火者哀痛之甚情不在食也旁親以下食不可廢故隣里為康粥以飲食之康厚而粥薄薄者以飲之厚者以食之

陸佃曰扱上衽則以有辟踊之端焉交手哭捧心而哭發胸擊心在斂之後惻怛痛疾而精先傷魂次之魄又次之故曰傷腎乾肝焦肺傷傷而己乾於是為甚乾猶可也焦又甚矣

右始死

始卒禮圖

今案後楔齒綴足始死奠帷堂命赴哭位數  
事文有先後其實數事並作檀弓曰復楔齒

为长升

復衣降

於簾前

受者一人用篋

弟兄衆

大功以上父兄姊妹  
妹子姓之親者在堂

人主

足綴  
水[沐]第  
面按

無第

麻子姓

惟堂

三國命赴者赴于君  
上拜送有賓則拜之

復者降自後西蔡

綴足飯設飾惟堂並作注云作起為也自復  
以下諸事並起故云並作故今總見於一圖



復者一人以爵弁服簪裳于衣左何之扱領于帶

注復者有

司招魂復魄也天子則夏采祭僕之屬諸侯則小臣為之爵弁服純衣纁裳也禮以冠名服簪連也疏復者

多少各如其命之數若上公九命則依命數九人之類喪大記復者小臣則士家不得同僚為之則有司府史

之等也純衣纁裳者士冠禮爵弁服纁裳純衣是也雜記士弁而祭於公是士服爵弁助祭於君士復用助祭

之服則諸侯以下皆用助祭之服可知禮以冠名服者案士冠禮皮弁爵弁並列于階下而空陳服于房皮弁

服爵弁服是以冠名服鄭言此者欲見復時唯用緇衣纁裳不用爵弁而經言爵弁服是禮以冠名服也常時

魂取便故連裳于衣

殺繼公曰爵弁士之上服故復用之左手荷之而空右手為登梯備顛蹙也左

升自前東榮中屋北面招以衣曰皋某復三降衣于前

注北面招求諸幽之義也皋長聲也某死者之名也復反也降衣下之也

教繼公曰前東榮者東方之南榮也屋有二楹每旁各有南榮北榮中屋屋脊之中也

受用筐升自阼階以衣尸

注受者受之於庭也復者其一人招則受衣亦一人也人

君則司服受之衣尸者覆之若得魂反之疏降衣薦前受而升自阼階明知在庭可知

教繼公曰升自阼階象其反也

復者降自後西榮

注不由前降不以虛反也降因徹去西北扉若云此室凶不可居然也自

是行死事疏凡復者緣孝子之心望得魂氣復反復而不蘇則是虛反今降自後是不欲虛反也案喪大記

將沐匍匐入為墜于西牆下取所徹廟之西北扉薪橐之諸文不見徹扉薪之文故知復者降時徹之也

記復者朝服左執領右執要招而左

注衣朝服服未可變疏招而左

者以左手執領還以左手招之招魂所以求主左陽主生故用左復者士之有司左執領謂爵弁服

喪大記復有林麓則虞人設階無林麓則狄人設階

注

所乘以升屋者虞人主林麓之官也狄人樂吏之賤者階梯也小臣復復者朝服君以

卷夫人以屈狄大夫以玄纁世婦以禮衣士以爵弁士

妻以稅衣皆升自東榮中屋履危北面三號卷衣投于

前司服受之降自西北榮

注朝服所以事君之服用朝服而復者敬也復用死者之

祭服以其求於神也。君以卷謂上公也。夫人以屈狄互言耳。上公以袞則夫人用褱衣而侯伯以鷩其夫人用揄狄子男以毳其夫人乃用屈狄矣。黼赤也。玄衣赤裳所謂卿大夫自玄冕而下之服也。其世婦亦以褱衣。榮屋翼升東榮者謂卿大夫士也。天子諸侯言東雷危棟上也。號若云皋某復也。司服以篋待衣於堂前。疏三號者一號於上冀神在天而來一號于下冀神在地而來一號於中冀神在天地之間而來也。復衣不以衣尸不以斂。注復者庶其生也。若以其衣襲斂是用生施死於義相反。士喪禮云以衣衣尸。浴而婦人復不以袖。注袖嫁時上衣。而非事鬼神之衣。凡復男子稱名婦人稱字。注婦人不名行。唯哭先復復而後行死事。注氣絕則哭哭。而復復而不蘇可以行死事。

雜記復諸侯以褻衣冕服爵弁服

注冕服者上公五侯伯四子男三褻衣亦

始命為諸侯及朝覲見加賜之衣也諸侯既用褻衣又以冕服爵弁服而復也

疏夫人稅衣揄

狄稅素沙

注言其招魂用稅衣上至揄狄也狄稅素沙言皆以白沙縠為裏

陳澠曰稅衣色黑而緣以黼揄與搖同狄當為翟江淮以南青質而五色成章者曰搖狄雉名也此服蓋畫搖狄之形以為文章因為名也狄稅素沙言自翟翟至稅衣皆用素沙為裏即今之白絹也

乾學案婦人服有六褱衣揄狄闕狄鞠衣展

衣褱衣也稅衣即褱衣

內子以鞠衣褱衣素沙下大夫以褱衣其餘如士復西

上

注下大夫謂下大夫之妻禮周禮作展王后之服六唯上公夫人亦有褱衣侯伯夫人自揄狄而下子男

夫人自闕狄而下卿妻自鞠衣而下大夫妻自展衣而下士妻稅衣而已素沙若今紗縠之帛也六服皆袍制不褱以素紗裏之喪衣者始為命婦見加賜之衣也其餘如士之妻亦用稅衣

方慤曰復北面求諸幽故以西為上西北皆陰故也

檀弓復盡愛之道也有禱祠之心焉望反諸幽求諸鬼

神之道也

注鬼神處幽闇望其從鬼神所來

北面求諸幽之義也

注鄉其所

從來也

邾婁復之以矢蓋自戰於升陘始也

注戰于升陘魯僖二十二年秋也時

師雖勝死傷亦甚  
無衣可以招魂

陳澍曰復者以盡愛之道禱祠之心孝子不能自己  
冀其復生也疾而死行之可也兵刃之下肝腦塗地  
豈有再生之理復  
之用矢不亦誣乎

禮運夫禮之初始諸飲食其燔黍捭豚汙尊而抔飲蕢  
桴而土鼓猶若可以致其敬於鬼神及其死也升屋而  
號告曰皋某復然後飯腥而苴孰故天望而地藏也

疏

不復然後浴尸而行含禮於含之時飯用生稻之米故  
云飯腥用上古未有火化之法也至葬之時用苞裹熟  
肉以遺送尸法中古修火化之利也天望  
謂望天而招魂地藏謂葬地以藏尸也

馬晞孟曰始死者人以其不忍之心而望其重生求生者人以其還之禮而欲其不死故謂之復自君至於士自大夫至於士妻各以其祭服之至盛者招之庶乎神之衣是而來也中屋履危則求之上下之間北面三號則求諸幽陰之義及乎不知神之所在而卒不復也然後捲衣投于前而降焉蓋死矣滅矣不可所以復生矣則自小斂以至於葬此所謂唯哭先復復而後行死事也

## 右復

記設牀第當牖衽下莞上簟設枕

注病卒之間廢牀至是設之事相變杜臥

席 疏始死在地無牀復而不  
蘇乃設牀於南牖下有枕席

教繼公曰  
設枕於南



遷尸

注徙於牖下也  
於是憫用斂衾

乾學案此條本既夕之記因經無正文故補  
於此又案士喪禮死于適室憫用斂衾下文  
接以復者一人既夕篇記於主人啼兄弟哭  
後先言設牀第遷尸而後及復者朝服鄭注  
遷尸徙於牖下也於是憫用斂衾孔氏疏云  
於是憫用斂衾者釋士喪禮憫用斂衾之時  
節也案喪大記云唯哭先復復而後行死事

孔氏亦云復而不蘇乃設牀於南牖下則憫  
用斂衾亦在復後盖用斂衾即死事矣喪大  
記云去死衣鄭注謂病時所加新衣及復衣  
則去死衣亦在復後是篇條貫次第不紊唯  
此先後微有可疑勉齋黃氏以設牀第遷尸  
序復之後今從之

喪大記始死遷尸于牀憫用斂衾去死衣

注牀謂所設  
牀第當牖者

也 疏遷尸于牀者尸初在地冀生氣復既不生更遷  
尸于牀用斂衾覆之除去死時所加新衣乃復衣為尸

將浴故也初發牀時牀在北壁當  
戶至復魄後遷之在牀當牖南首

右遷尸

楔齒用角柶

注為將含恐其口閉急也  
形與柶醴角柶制別屈之如輓中央入口其

兩末向上取事便也綴足用燕几  
注綴猶拘也為將履恐其辟戾也

款繼公曰綴足用几  
欲拘其足使之正也

記楔貌如輓上兩末

疏如輓謂如馬鞅輓馬領亦上兩  
末令以屈處入口取出時易也

款繼公曰楔因其楔齒而名之以別於他柶輓在大  
車轅端厥牛領者楔狀類之故以曉未知者焉楔齒  
時以兩末上鄉則  
末出於口旁矣

綴足用燕几校在南御者坐持之

注校脛也尸南首几脛在南以拘足則不

得辟庚矣

疏古者几兩頭各施兩足尸南首足鄉北故以几脚鄉南以夾足恐几欹側又使侍御者一人坐

持夾之使足不辟庚可以著履也

教繼公曰校几左廡之名校在南則橫設也几之為制前後狹而左右差廣綴足宜寬故橫設之必校在南者生時設几在廡近人故放之也坐持之則御者亦在牀矣其於几之北與

喪大記小臣楔齒用角柶綴足用燕几君大夫士一也

檀弓掘中雷而浴毀竈以綴足殷道也學者行之

注學於孔

子者行之既殷禮

疏中雷室中也掘室中之地作坎一則言此室於死者無用二則以牀架坎上尸於牀上

浴可令浴汁入坎也毀竈亦無二義一則死而毀竈示死無復飲食之事二則恐死人冷強足辟庚不可著履故用毀竈之說連綴死人足令直可著履也

呂坤四禮疑楔齒以含也死欲安氣散魂分之時親心何似而楔以困之安用含為此泥禮之過而近於忍心者也含之義不忍親口之虛也不知含以飯其能令親生乎能令親飽乎當氣欲絕之時魂魄離合親身必有難言之苦而又楔其齒使不得合親口便乎不便乎口容止一楔之後雖含以物而口不復有合時矣若天暑飯壞穢汚生蟲尤為不宜制此禮者獨不念及乎吾不忍聞之

右楔齒綴足

奠脯醢醴酒升自阼階奠于尸東

注鬼神無象設奠以憑依之  
疏案檀弓

始死之奠其餘闋也與則此奠是闋之餘食為之下小  
斂一豆一籩大斂兩豆兩籩此始死亦無過一豆一籩  
而已而

教繼公曰此奠之而已無他禮儀故曰奠也死而奠  
之如事生也此時尸南首東乃其右也奠于其右若  
便其飲  
食然

記即牀而奠當牕用吉器若醴若酒無巾注用吉器

器未變也或卒無醴用新酒疏即就也謂就尸牀而  
設之尸南首則在牀東當尸肩頭也未忍異於生故用  
吉器至小斂奠則用  
斂豆之等為變矣

教繼公曰此吉器之異於凶者豆籩耳凶時斂豆籩  
無勝其解則無吉凶之異皆用角也若醴若酒謂無

酒則二觥皆醴無醴則皆酒無巾者非  
盛饌無柶者異於大斂以後之奠也

檀弓曾子曰始死之奠其餘閣也與

注不容改新聞度  
藏食物疏始死

未容改異故以生時度閣上所餘脯醢為奠閣祭橙之  
屬人老及病飲食不離寢故近置室裏閣上若死仍用  
閣之餘奠不容  
方死改新也

陸佃曰閣其餘者幸其更生若有待焉耳大夫七十而後有閣如舊說則死而無閣者何物奠之

### 右始死奠

帷堂

注事小訖也  
帷之者鬼神尚幽閣故也  
疏未襲斂必

檀弓曾子曰尸未設飾故帷堂小斂而徹帷仲梁子曰

夫婦方亂故帷堂小斂而徹帷

注斂者動搖尸帷堂為人襲之言方亂非也仲

梁子魯人疏方亂非者以小斂之後豈無夫婦方亂之時何故徹帷乃云方亂明為動尸故帷堂

陳澍曰尸猶未襲故曰未設飾於是設帷於堂者不欲人襲之也故小斂畢乃徹帷仲梁子謂夫婦方亂

者以哭泣未定也二子各言禮意而曾子為長

復楔齒綴足飯設飾帷堂並作

注設飾謂遷尸又加新衣

乾學案復當在帷堂之前陸農師乃謂復楔

齒綴足飯設飾此五事並作於帷堂之時疑

誤疏云作起也自復以下諸事並起也孔氏



得之

邵寶曰惟殯非古也然則何以惟堂夫惟堂在小斂之前於死者有避惡之道焉於生者有別嫌之道焉既殯則二者皆無之矣是以惟堂而不惟殯也乃若既葬反哭雖有几筵何惟之有故曰無柩者不惟

右帷堂

乃赴于君主人西階東南面命赴者拜送

注赴告也臣君之股肱耳

目死當有恩 疏檀弓父兄命赴者謂大夫以上士則主人親命之尊卑禮異也

教繼公曰經惟言赴于君之儀則是古者士大夫赴告之禮惟止于君而已

有賓則拜之

注賓僚友羣士也其位猶朝夕哭矣 疏此謂因命赴者有賓則拜之若不因命赴

者則不出是以下云唯君命出始喪之日哀戚甚故在室不出也始死唯赴君此先知疾重未赴即來明是僚友之士若有大夫則經辨之而稱大夫是以下文因君薨即云有大夫則特拜之是也其位猶朝夕哭者謂賓弔位猶如賓朝夕哭位其主人之位則異于朝夕而在西階東南面拜之

教繼公曰既拜則入不即位

記赴曰君之臣某死赴母妻長子則曰君之臣某之某死疏上某是士名下某是母妻長子假令長子則云長子某若母妻則婦人不以名行直云母與妻也

### 右命赴拜賓

入坐于牀東衆主人在其後西面婦人俠牀東面

注衆主人

庶昆弟也婦人謂妻妾子姓也亦適妻在前疏此論  
主人以下哭位云入坐者謂上文主人拜賓訖而入也  
衆主人直言在其後不言坐則立可知婦人雖不言坐  
衆喪大記婦人皆坐無立法言俠牀者男子牀東婦人  
牀西以近而言也

親  
教繼公曰至是方云坐則先時主人亦立也衆主人  
在其後尊主人亦為室中淺隘衆主人齊衰大功之

親者在室

注謂大功以上父  
兄姊妹子姓

教繼公曰此親者繼婦人而言則專指婦  
人矣下篇主婦及親者由是西面是也

衆婦人戶外北面衆兄弟堂下北面

注衆婦人衆兄弟  
小功以下疏同

是小功以下而男子在堂下者以其婦人  
有事自堂及房不合在下耳

記室中惟主人主婦坐兄弟有命夫命婦在焉亦坐別

尊卑也

喪大記既正尸子坐于東方卿大夫父兄子姓立于東

方有司庶士哭于堂下北面夫人坐于西方內命婦姑

姊妹子姓立于西方外命婦率外宗哭于堂上北面

注正

尸者謂遷尸牖下南首也子姓謂衆子孫也其男子立于主人後女子立于夫人後世婦為內命婦卿大夫之

妻為外命婦外宗姑姊妹之女大夫之喪主人坐于

疏此人君初喪哭位也子謂世子

東方主婦坐于西方其有命夫命婦則坐無則皆立

注命夫命婦來哭者同宗父兄子姓姑姊妹子姓也凡此哭者尊者坐卑者立疏哭泣之中有命夫命婦雖卑于死者以其位尊故坐哭若無命夫命婦雖尊于死者亦皆立哭此大夫之喪不顯父兄子姓及姑姊妹哭位者約上文君喪及下文士喪可知也成士之喪主人服之後尊于死者則坐卑于死者則立也

父兄子姓皆坐于東方主婦姑姊妹子姓皆坐于西方

注士賤同宗尊卑皆坐疏君與大夫位尊故坐者凡殊其貴賤士既位下故坐者等其尊卑無所異也凡

哭尸于室者主人二手承衾而哭

注承衾哭者哀慕若欲攀援

應鑄曰男東女西陰陽之区分也喪遽哀迫人雜事叢先謹男女之辨而各以類從則紛糾雜亂者有倫

矣主東賓西內外之大統也男主居東之上而內之家長雖若母亦在西則示一國一家之有主而內外族姓之尊卑咸有所統攝矣

朱子答尸南首之間云尸當北首亦無正經可攷只喪大記大斂陳衣君北領大夫士西領儀禮士南領以此推之恐國君以上當北首耳若無他證論而闕之可也

### 右哭位

君使人弔徹帷主人迎于寢門外見賓不哭先入門右

北面

注使人士也禮使人必以其爵寢門內門也徹帷屋之事畢則下之疏屋之者謂褰帷而上非全

去徹

教繼公曰喪不迎賓惟于君及君使則迎之此不出外門者別于君之自來也先入門右道之徹帷為君

命變也事畢復設之

弔者入升自西階東面主人進中庭弔者致命

注主人不升賤

也致命曰君聞子之喪使某如何不淑

教繼公曰此西方中庭也主人雖在下弔者猶東面禮之也小斂以前主人位在西方

主人哭拜稽顙成踊

注稽顙頭觸地成踊三者疏三者三凡九踊也

教繼公曰謝君命也既拜稽顙而成踊唯於君及君命則然其餘則否拜稽顙者一拜而遂稽顙也不再拜稽首者蓋喪禮宜變於吉也

### 賓出主人拜送于外門外

教繼公曰拜送一拜送之也此與下篇云拜送者皆然迎不拜而一拜送之皆喪禮異也凡拜喪賓不再拜

### 記尸在室有君命衆主人不出

注不主

教繼公曰異時衆主人與主人皆在庭嫌此時亦然故以明之

### 右君使弔



君使人褻徹帷主人如初褻者左執領右執要入升致

命

注褻之言適也衣被曰褻致命曰君使某褻疏主人如初者如上迎于寢門外以下之事也此君褻雖

在襲前襲與小斂俱不得用至大斂乃用之故下文大斂之節云君褻不倒用是也

數繼公曰禮別更端則吊褻不同時也衣服曰褻此執衣如復則是衣裳具且簪裳于衣也

主人拜如初褻者入衣尸出主人拜送如初唯君命出

升降自西階遂拜賓有大夫則特拜之即位如西階下

東面不踊大夫雖不辭入也

注唯君命出明大夫以下時來吊褻不出也始喪之

日哀戚甚在室故不出拜賓也大夫則特拜別于士旅拜也即位西階下未忍在主人位也不踊但哭拜而已

不辭而主人升入明本不為賓出不成禮也 疏主人拜如初者亦如上進中庭哭拜稽顙成踊也遂拜賓者因事曰遂因有君命故拜賓若無君命則不出戶也未忍在主人位者至小斂後始就東階下西南面主人位也

表繼公曰衣尸亦覆於復衣之上與惟君命出小斂以前則然若小斂之後雖不迎賓亦出送賓矣升降自西階自此至葬其禮然也於大夫云特拜見於士亦旅之也即位于西階下此非正位因事而出乃在是耳不踊者明本不為賓出也主人既即位大夫宜辭之謂不必以已故而留於外也既辭則主人乃入大夫若或不辭主人猶入矣

親者祔不將命以即陳

注大功以上有同財之義也不將命不使人將之致于主人也

即陳陳  
在房中

庶兄弟祔使人以將命于室主人拜于位委衣于尸東

牀上

注庶兄弟即衆兄弟也變衆言庶者同姓耳將命曰某使某祔拜于位室中位也疏同姓絕服者

有祔法故知  
言庶者同姓

教繼公曰云庶者蓋兼衆兄弟外兄弟言也既小斂拜祔者則稽顙此唯拜而已者以其與君祔同節宜遠辟之尸東牀上奠之北也委于此者辟君祔且不必其用之也既將命而又不以即陳亦遠辟親者之禮

朋友祔親以進主人拜委衣如初退哭不踊

注親以進親之恩也

退下堂反賓位也主人  
徒哭不隔別於君祔也

教繼公曰親以進亦自擇其辭主人拜亦不答之與  
弔賓同也親者祔不將命庶兄弟將命不親致朋友  
則親致之蓋親則禮略疏則禮隆聖人之意然爾主  
人於庶兄弟之使者與朋友之退也則哭而不踊朋  
友退反賓位使  
者退則出矣

徹衣者執衣如祔以適房

注凡於祔者出有司徹衣  
疏上文君祔之時祔者左執

領右執要此徹衣者亦左  
執領右執要故云如祔也


記祔者委衣于牀不坐其祔于室戶西北面致命注始

也 疏未小斂之前尸在室中戶西故北面致命  
命若小斂之後奉尸俛于堂則中庭北面致命

右致禋

乾學案雜記諸篇亦有致禋之文但非始死  
時所行之禮故不列於此而類見於第六十  
卷賻禋兩篇讀者參攷之

# 君使人弔襚圖



為銘各以其物亡則以緇長半幅經末長終幅廣三寸

書銘于末曰某氏某之柩

注銘明旌也襍帛為物大夫之所建也亡無也無旗不命

之士也半幅一尺終幅二尺在棺為柩半幅不言廣則亦三寸布幅二尺二寸鄭云二尺者兩

邊除二寸而言之銘旌表柩不表屍故據柩而言

竹杠長三尺置于宇西階上

注杠銘檀也宇招也

疏此始造銘訖置于宇下西階上待為重訖以此銘置于重又下文卒塗始置於殯此

時未用權置于此也招謂當簷下

檀弓銘明旌也以死者為不可別已故以其旗識之愛

之斯錄之矣敬之斯盡其道焉耳

疏案士喪禮士長三尺則大夫五尺諸侯

七尺天  
子九尺

喪服小記復與書銘自天子達於士其辭一也男子稱

名婦人書姓與伯仲如不知姓則書氏

注此謂殷禮也殷質不重名復

則臣得名君周之禮天子崩復曰皋天子復諸侯薨復曰皋某甫復其餘及書銘則同疏書銘謂書亡人名則各書於旌旗也天子書銘於大常諸侯以下則各書於旌旗也氏如孟孫三家之屬

### 右為銘

乾學案漢以來皆有銘旌其制度長短別見

於喪儀品式篇茲不重載



甸人掘坎于堦間少西為塋于西牆下東鄉

注甸人有司主田野

者塋塊竈西牆中庭之西疏周禮甸師掌田野之人謂之甸人

新盆槃

瓶廢敦重鬲皆濯造于西階下

注新此瓦器五種者重死事盆以盛水槃承湏

濯瓶以汲水也廢敦敦無足者所以盛米也重鬲鬲將縣于重者也濯滌漑也造至也以喪事遽也疏盆祝泔米時所用槃置于尸牀上盛餘濡水凡物無足稱廢土虞禮主人洗廢爵注云爵無足是也重鬲將縣重者下文驚餘飯乃縣于重此時先用煮濡沐故云將縣重者也

數繼公曰云造者明濯於他處

記掘坎南順廣尺輪二尺深三尺南其壤徑用塊

注南順統

於堂輪從也 疏經直言句  
人掘坎不辨大小故記明之

教繼公曰南順復南其壤  
明其掘之自北而南也

### 右掘坎

陳襲事于房中西領南上不緒

注襲事謂衣服也 緒讀為紵屈也 疏襲用三

稱而已其中庶幾之等雖不用亦陳之以多為貴

教繼公曰事猶物也言襲事而不言衣者衣少於他物也惟言西領主于衣也其他物亦上端鄉西必西領者以尸在室也士冠禮曰陳服于房中西墉下東領此西領者其於東墉下乎不緒者一一自南而北若一列不足以盡之則復以其餘者始於明衣之東而陳之亦自南而北其次列之首與前列之末不相

屬而更端別起不如物之續屈者然也不續者襲事少且變於斂也

明衣裳用布

注所以親身為主潔也

記明衣裳用幕衣袂屬幅長下膝

注幕布惟幕之布升數未聞也屬幅不削

幅也長下膝又有裳於蔽下體深也疏布幅二尺二寸凡用布皆削去遺幅旁一寸則此不削幅長下膝者凡為衣以其有裳故不至膝下此又有裳而至膝下欲蔽下體深也

教繼公曰必云袂屬幅者嫌明衣或異于生也

有前後裳不辟長及穀

注不辟積也穀足附也凡他服短無見膚長無被土疏凡男

子裳不連衣皆前三幅後四幅辟積其要間以示文今此亦前三後四不辟積以其一服不動不假上袂下寬

也

教繼公曰裳前三幅後四幅不辟之則其要廣必前後相掩者深旁不開體不見矣長及穀為蔽足也明衣之長下膝其裳之制復如是皆為重形且異於生也如

緣緹緇

注一漆為之緣今紅也飾裳在幅曰緹在下曰緇

緇純

注七入為緇緇黑色也飾衣曰

純謂領與袂衣以緇裳以緣象天地也

乾學案純蓋魚指在衣裳者言記文止此

簪笄用桑長四寸纓中

注桑之為言喪也用為笄取其名也長四寸不冠故也纓笄之

中夾以安髮 疏以髻為髻義取以髮會聚之意為喪所用故用桑凡笄有二種一是安髮之笄男子婦人俱

有即此笄是也一是為冠笄皮弁爵弁笄惟男子有而婦人無也此二笄皆長不唯四寸而已今此笄四寸者僅取入髻而已以其男子不冠冠則笄長矣下記云其母之喪髻無笄注云無笄猶丈夫之不冠也纓笄之中史以安髮者兩頭濶中央狹則於髮安故云以安髮也

教繼公曰會髮為紒曰髻云髻笄者明其不纓也生時拂而纓乃加笄此於生時為冠內之笄但不用繫耳其或用長笄則去之不并用也長笄者冕弁之笄也婦人有長笄無短笄下云髻用組此不言者文略耳

布巾環幅不鑿

注環幅廣袤等也不鑿者士之子親舍反其巾而已大夫以上賓為之舍當口

鑿之嫌有惡疏此為飯舍而設所以覆死者面布幅二尺二寸則此廣袤等亦二尺也

教繼公曰布巾不鑿士之制然也此云  
不鑿則有當鑿者矣鑿者其君禮與

掩練帛廣終幅長五尺析其末

注掩裏首也析其末為將結於頤下又還結於

項中 疏掩若今人僕頭但死者以  
後二脚於頤下結之與生人為異也

教繼公曰析其末者  
兩端皆析而為二也

瑱用白纁

注瑱充耳纁新綿 疏生時人君用玉臣

目用緇方尺二寸經裏著組繫

注悞目覆面者也經赤也著充之以絮也組繫

為可結也 疏四角有繫於後結之故有組繫也

握手用玄纁裏長尺二寸廣

五寸牢中旁寸著組繫

郝敬曰握手縫帛如筒韜尸兩手立表裏長尺二寸寬五寸牢猶籠也空其中旁寬寸著綿以組為繫兩手交貫於牢

## 決用正王棘若擇棘組繫續極二

敖繼公曰決與極皆用於右手決著右臂極韜韜食指

郝敬曰決象骨為之著右手大指射者以鉤弦死則用木為之正猶善也王棘擇棘二木皆棗類必言二木用二決左右大指各一皆有組為繫借以連屬兩掌也極木韋為之射者以韜右手第二三四指大射禮云朱極三是也尸以殯為之裏其手指亦用二左右手各一死者手不屬因生時所有事以為斂具愛至敬之也

萬斯大曰握手所以交籠兩手者其制圓而縫之圓如竹筩手從兩端而入兩手掌交疊處厚須寬大乃得容故牢中牢籠也中寬而兩端窄也旁寸謂于兩端摺而縫之廣一寸也著組繫貫組于兩端摺縫中繫手腕以為固也

冒緇質長與手齊經殺掩足

注冒韜尸者制如直囊上曰質下曰殺質正也其用

之先以殺韜足而上後以質韜首而下齊手上玄下纁象天地也凡冒質長與手齊殺三尺

疏凡人著服先

下後上又質長與手齊殺長三尺

人有短者質下履殺故後韜質也

爵弁服純衣  
注謂生

所衣之服也純衣者纁裳古者以冠名服死者不冠

疏爵弁服士之常服以助祭者也死者不冠而經云爵

弁皮弁此直取以冠名服不用其冠

皮弁服

注皮弁所衣之服也

祿衣  
注黑



衣裳赤緣之謂祿祿之言緣也所以表袍者也喪大記曰衣必有裳袍必有表不禪謂之一稱疏知此祿衣

是黑衣裳者以士冠禮陳三服玄端皮弁爵弁有玄端無祿衣此士襲亦陳三服與彼同此無玄端有祿衣故

知此祿衣即玄端也玄端有三等裳此喪禮質略用玄裳而已但此玄端連衣裳與婦人祿衣同故變名祿衣

也連衣裳者以其用之緇帶注黑繒之帶疏上陳三以表袍袍連衣裳故也

此一帶而已衆玉藻云士練帶緇辟是黑繒之帶據卑者而言也但生時著服不重各設帶此襲時三服共一

帶為韎韐注一命緇韐疏韎者據色而言以韎草染異也韎韐之取其赤韐者合章為之故名韎韐也一命

緇韐者玉藻文但祭服謂之韐也服謂之韐士一命名為韎韐亦名緇韐不得直名韐也但士冠禮玄端爵韐

皮弁素韐爵弁服韎韐今亦三服竹笏注笏所以書思共設韎韐者以其重服亦如帶矣

笏天子以瑇瑁諸侯以象大夫以魚須文竹士以竹本  
象可也又曰笏度二尺有六寸其中博三寸其殺六分  
而去

夏葛屨冬白屨皆纁緇絢純組綦繫于踵

注冬皮屨變言白者明夏

時用葛亦白也此皮弁之屨士冠禮曰素積白屨以  
紕之緇絢纁純純博寸綦屨係也所以拘止屨也疏  
夏言葛冬當用皮冬言白明夏亦用白又士冠禮云爵  
弁纁屨素積白屨玄端黑屨以三服各自用屨屨從裳  
色其色自明今死者重用其服屨惟一故須見色若然  
三服相參帶用玄端屨用皮弁韎韐用爵弁各用其一  
以當三服而已引緇絢纁純者欲解士冠禮纁絢純同  
用緇此經纁雖在緇上明亦用緇可知纁謂條在牙底  
相接之縫中絢在屨鼻純謂緣口皆以條為之綦屨係  
者經云繫于踵則綦當屬于跟後以兩端向前與絢相

連于脚踵足之上合結之名為繫于踵也

庶襪繼陳不用

注庶衆也不用襪也多陳

之為榮少納之為貴朋友襪皆是繼陳謂繼

疏庶襪即上親者襪庶兄弟襪襲衣之下陳之不用以襲至小

斂則陳而用之惟君

貝三實于筭稻米一豆實於篚

注

水物古者以為貨江水出焉筭竹器名豆四升

沐巾一浴巾二皆用絺於筭

注

所以拭汗垢浴巾二者上體下體異也絺葛

教繼公曰沐巾以晞髮浴巾以去垢三巾共一筭

櫛於篚

注篚

浴衣於篋

注浴衣已浴所衣之衣以布為之其制如今通裁疏既浴所

著之衣以晞身即布單衣以其無殺故漢時名為通裁

皆饌于西序下南上

注東

謂之序中以南謂之堂  
疏謂從序半以北陳之

教繼公曰必南上者  
便其取之先後也

### 右陳服器

管人汲不說繙出之

注管人有司主館舍者不說繙將  
以就祝濯米屈縈也疏此論沐

浴及寒  
尸之事

教繼公曰此下當有盥階不  
升堂授祝之事蓋文脫耳

祝浙米于堂南面用盆

注祝夏祝也  
浙沃也

管人盥階不升堂受

潘煮于垆用重鬲

注盥階三等之上  
其先煮潘後煮米為鬻  
鬻于重故煮

潘用重

祝盛米于敦奠于貝北

注復于筐處也即上廢敦也向未漸實

疏敦

于筐今新訖盛于敦所置之處還于筐所以擬飯之所用也

士有冰用夷槃可也

注謂

夏月而君加賜冰也夷槃承尸之槃記云士無冰用水以云有冰明據士得賜者也

外御受

沐入

注外御小臣侍從者沐管人所煮潘也

教繼公曰受冰亦於堂上管人亦盡階不升堂授之此當更有管人汲而授浴水之事亦文不具也

主人皆出戶外北面

注象平生沐浴裸程子孫不在旁主人出而禮第

教總公曰是時婦人亦皆出經不言略之出則立于房矣

乃沐櫛拒用巾

注拒晞也清也古文拒作振疏拒謂拭也櫛訖又以巾拭髮乾使清淨無濡

櫛仍未作紒下文待蚤揃訖乃髻用組是其次也

浴用巾拒用浴衣

注用巾用拭之也

湏濯棄于坎

注沐浴餘潘水中櫛浴衣亦并棄之疏潘水既經溫賁名之為湏已將沐浴謂之

為濯已沐浴訖餘潘水棄于坎知巾櫛浴衣亦棄之者以其已經尸用恐人褻之若棄杖者棄于隱者故知亦

棄于蚤揃如他日

注蚤讀為爪斷爪揃鬚也人君則小臣為之也日平生事

萬斯大曰蚤揃如他日蚤去手足爪甲也揃展通展其鬚使直也喪大記亦曰爪手揃鬚如他日如生時

也或謂揃為斷須生時豈斷須乎

髻用組乃筭設明衣裳

注用組組束髮也可設明衣以蔽體是其次也疏髻紒乃

萬斯大曰設明衣裳檀弓所謂設飾也先時尸裸體唯恤斂衾至此始有飾故曰設飾

記夏祝浙米差盛之

注差

御者四人抗衾而浴禮第

注抗

衾為其裸程蔽之也禮

袒也袒實去席盥水便

教繼公曰古禮袒字通詩曰禮褻暴虎史

記左禮右禮是也四人抗衾而二人浴

其母之喪則內御者浴髻無笄

注內御女御也無笄猶丈夫之不冠也

人不死男子之手

故知為女御也設明衣婦人則設中帶

注中帶若今之褙襟

經直云設明衣不辨男子與婦人故記人辨之也

乾學案士喪禮祝浙米于堂南面用盆鄭氏

因記有夏祝浙米云云故注以為夏祝也祝

取銘置于重鄭注祝習周禮者也是周祝也  
其明著為夏祝者士喪禮夏祝鬻餘飯用二  
鬲于西牆下又夏祝及執事盥既夕祝降與  
夏祝交于階下取銘置于重是也其著為商  
祝者士喪禮襲祭服執巾掩瑱設幙目小斂  
則布絞衾散衣祭服大斂則布絞紵衾衣既  
夕免袒執功布拂柩飾柩御柩皆是也疏謂  
同是周祝而習夏禮則曰夏祝習殷禮則曰



商祝夏人教忠從小斂奠大斂奠及朔半薦  
新祖奠大遣奠皆是夏祝為之其間雖不言  
祝名亦夏祝可知也其徹之者皆不言祝名  
則周祝徹之也殷人教以敬神但是接神皆  
商祝為之其間行事祝取銘之類不言祝名  
亦周祝可知惟既夕啓殯時以周祝徹饌而  
堂下二事不可並使周祝故夏祝取銘置于  
重賈氏之論詳矣余以為夏祝如浙米鬻飯

皆共養之事商祝主襲斂衣衾拂柩御柩交  
於神明之事夏祝事簡商祝事繁周祝文飾  
實兼二者周制博采夏商周人講習夏商之  
禮所謂監於二代郁乎文者以此即如啓  
殯時商祝方執功布入周祝徹宿奠降降之  
時夏祝自下升取銘置于重曰祝曰夏祝曰  
商祝各司其事屢趾相接是喪事縱縱之時  
而不至凌節儀禮所以為萬世經也嘗讀士

冠禮委貌周道也章甫殷道也毋追夏后氏之道也孔子便冠章甫當時蓋兼用殷道矣檀弓載孔子之喪公西赤為志飾棺牆置翣設披周也設崇殷也綢練設旒夏也子張之喪公明儀為志褚幕丹質蟻結于四隅殷士也夏后氏用明器殷人用祭器周人兼用之經也者實也掘中雷而浴毀竈以綴足及葬毀宗躐行出于大門殷道也學者行之禮器

云三代之禮一也民共由之可見武王周公  
盛時既因前代典章以著為周禮而又令學  
士大夫採掇遺聞參用舊時儀節故雖周之  
輓季本朝之禮與夏殷並著學者擇而行之  
不以為嫌蓋即夏祝商祝之名可以知公天  
下之至意而禮非虛器矣

喪大記管人汲不說緇屈之盡階不升堂授御者御者  
入浴小臣四人抗衾御者二人浴浴水用盆沃水用料

浴用絺巾拒用浴衣如他日小臣爪足浴餘水棄于坎

其母之喪則內御者抗衾而浴

注爪足斷足爪也疏管人主館舍者絺汲水

瓶索也遽促於事故不說去此索他日謂平生尋常之日也

方慤曰管人主管鑰之人也井竈亦其所司故使之汲水

管人汲授御者御者差沐于堂上君沐梁大夫沐稷士沐梁甸人為瑩于西牆下陶人出重鬲管人受沐乃煮之甸人取所徹廟之西北扉薪用爨之管人授御者沐乃沐沐用瓦盤拒用巾如他日小臣爪手翦頰濡濯棄

于坎

注差浙也浙飯米取其潘以為沐也士喪禮沐稻此云士沐梁蓋天子之士也

之瞿也是凡瓶受三升爨然也甸人為竈竟取復者所徹非以然竈煮沐汁也謂正寢為廟神之也何取此薪

而用之示主人已死此堂無復用故取之也沐竟翦手爪又治須象平生也

檀弓曾子之喪浴於爨室

注見曾元之辭易簣橋之以謙儉也禮死浴於適室

易簣之後反席未安而沒焉得有浴爨室遺語者以反席之前欲易之後足可有言但記文不備必知為橋之者曾子達禮之人應須浴於正寢今乃浴於爨室明知意有所為故云橋之也

王安石曰此自元輩失禮于記曾子無遺言鄭何由知其橋也

萬斯同曰注疏之說固非矣但此章當作何解尸本在適室豈可遷於爨室以就浴乎無論曾子不為是

言即曾元亦不為是事也士之喪禮有階間掘坎西牆為堡諸事意者曾元家貧無有司以供此役一切沐浴諸具皆出之于爨室乎不然真不可解矣

喪大記君設大盤造冰焉大夫設夷盤造冰焉士併瓦

盤無冰設沐檀第有枕

注造猶納也檀第袒簣也謂無席如浴時沐也禮自仲春之後

尸既襲既小斂先內冰盤中乃設沐於其上不施席而遷尸焉秋涼而止士不用冰以瓦為盤併以盛水耳漢

禮大盤廣八尺長丈二深三尺赤中夷盤小焉周禮天子束盤士喪禮士賜冰亦用束盤然則其制宜同之

疏浴時無席為漏水也設冰無席為通寒氣也人君仲春則用冰卿大夫以下三月以後得用冰既襲謂大夫

也既小斂謂士也皆是死之明日若天子諸侯亦三日而設冰在襲斂之前也

左傳昭四年申豐曰古者日在北陸而歲冰西陸朝覲而出之其歲冰也深山窮谷固陰沍寒於是乎取之其出之也朝之祿位賓食喪祭於是乎用之其出入也時

食肉之祿冰皆與焉大夫命婦喪浴用冰祭寒而歲之

注享司寒獻羔而啓之

注謂二月春分獻羔祭北開冰室

公始用之

注公先用優尊

火出而畢賦

注火星昏見東方謂三月四月中

自命夫命婦至於老疾

無不受冰

呂坤四禮疑生浴兒死浴尸終始之義也梁宋浴病不浴尸衣生不衣死君子曰禮從宜浴尸生者所難裸



體死者所諱他人為之則勿誠子婦為之又不可梁  
宋間不浴尸有病臨危而願浴者有不浴者其新潔  
之衣多衣於屬纊之前俗既相沿又無所害則從  
之可也 斷爪揃須何謂也體受歸全存之異病

右沐浴及設冰



主人入即位

注己設明衣可以入也

教總公曰主人入則衆主人及婦人亦皆入即位也

商祝襲祭服祿衣次

注商祝祝習商禮者商人教之以敬於接神宜襲布衣沐上祭服爵

弁服皮弁服皆從君助祭之服大蜡有皮弁素服而祭送終之禮也襲衣于沐沐次舍沐之東社如初也喪大記曰舍一沐襲一沐遷尸于堂又一沐疏襲布衣沐上者喪大記云襲一沐此雖布衣未襲待飯舍訖乃襲也

教總公曰襲謂布衣而將襲之也爵弁助祭於君之服也皮弁為君祭蜡之服也士祭於己用玄端此祿衣雖以當玄端然非其本制故不在祭服之中先布祭服美者在外也

主人出南面左袒扱諸面之右盥于盆上洗貝執以入

宰洗袒建于米執以從

注俱入戶西鄉也 疏面前也 謂袒左袖扱于右腋之下帶之

內取便也建于米者 於廡數之內建之

教繼公曰執 執筭執數也

商祝執巾從入當牖北面徹枕設中徹楨受貝奠于尸

西

注當牖北面值尸南也設中覆面為飯之遺落米也 如商祝之事位則尸南首明矣 疏受貝者就尸東

主人邊受取筭貝從尸南過奠尸西牀上以待主人親 舍也舊有解云遷尸于南牖時北首若北首則祝當在 北頭而南鄉以其為徹枕設巾要須在尸首便也今商 祝事位以北面則尸南首明矣若然未葬以前不異于

生皆南首檀弓曰葬于北方北首者從鬼神尚幽闇鬼  
道事之故也唯有喪朝廟時北首順死者之孝心故北  
也首

朱子語類荅戶南首之問云士喪禮飯含章鄭注云尸  
南首遷柩于祖注云此時柩北首祖祭注云旋柩  
鄉外足知古人尸柩皆南首唯朝祖之時北首非溫  
公創為南首之說也君臨臣喪升自阼階西鄉撫尸  
當心則尸之南首本不為君南面弔而然也

敖繼公曰設中者慮孝子見其親之形變而哀或  
不能飯含也奠貝于尸西蓋在主人所坐處之南

郝敬曰巾以承餘粒既飯含即以掩其口尸首南故  
北面去其枕使首仰則飯易入以巾藉其首則米不  
落床簀間徹楔去角和  
奠貝于尸西避奠位也

主人由足西牀上坐東面

注不敢從首前也祝受貝米  
奠之口實不由足也疏前

文祝入當牖北面是由尸首受主人貝奠之并受  
米奠于尸西以其口實不可由足恐褻之故也

教總公曰由足西自牀北而西也凡過尸柩而  
西東者必由其足敬也不坐于尸東辟奠位

祝又受米奠于貝北宰從立于牀西在右

注米在貝北  
便扱者也宰

立牀西在主人之右當佐飯事疏祝先奠貝于尸西  
祝又受米從首西過奠于貝南便矣今不於貝南奠之

而奠于貝北故云便主人之扱也宰在主人左扱米  
人之右者以米在主人之右故宰亦在右主人左扱米

實于右三實一貝左中亦如之又實米唯盈

注于右尸口之右唯

盈取滿而已 疏尸南首云右謂口東邊也左右及中各三扱米更云實米唯盈則九扱恐不滿是以重云唯

也盈

教繼公曰左手不便於用乃用之者由下飯會之順也主人東面坐若用右手則必反用其柶且加手於其親之面皆非孝敬之道故不為也先實米為貝籍也又實米唯盈象食之飽也先右次左次中禮之序

然也實米所謂飯也實貝所謂舍也

記卒洗貝反于筭實貝柱右鎮左鎮

注象齒堅 疏經直云實貝于尸左

右及中不言遠近故記人辨之右鎮左鎮謂牙兩畔最長者象生時齒堅也

夏祝徹餘飯注徹

去驚

穀繼公曰齟牙也含而因柱其左右齟蓋恐其口復閉也

檀弓飯用米貝弗忍虛也不以食道用美焉爾

注尊之也

食道褻米貝美 踊死者既無所知所以飯用米貝不忍虛其口也既不忍虛其口乃不用飲食之道而必用米貝者以食道褻米貝美尊之不敬用褻故用米美善焉爾

方慤曰弗忍虛則無致死之不仁不以食道則無致生之不知也

雜記天子飯九貝諸侯七大夫五士三

注此蓋夏時禮也周禮天子飯

念用玉以非周法故疑夏禮



大戴禮天子飯以珠含以玉諸侯飯以珠大夫士飯以珠含以貝

陸佃曰諸侯言飯不言含則蒙上含以玉可知

春秋稽命徵天子飯以珠含以玉諸侯飯以珠含以璧相備也

雜記鑿巾以飯公羊賈為之也

注記士禮所由始也士親飯必發其巾大夫以

上賓為飯焉則有鑿巾 疏大夫以上貴故使賓含恐尸為賓所憎故設巾覆尸面而當口鑿穿之令含得入口也士賤不得使賓則子自含其親不得憎之故不鑿巾但露面而含耳於時公羊賈是士自含其親而用鑿

巾則是憎穢其親  
矣故為失禮也

白虎通所以有飯含何緣生食今死不欲虛其口故  
含用珠寶物何也有益死者形體故天子飯以玉諸  
侯飯以珠大夫以米士以貝也

### 右飯含

主人襲反位

注襲復衣也位在尸東袒則露形今云襲是復著衣也

疏鄉

商祝掩瑱

設幘目乃屨綦結于跗連紃

注掩者先結頤下既瑱幘目乃還結項也跗足上也

紃屨飾如刀衣鼻在屨頭上以餘組連之止足圻也疏經先言掩後言瑱與幘目鄭知後結項者以其掩有四脚

後二脚先結頤下無所妨故先結之待設瑱施悞目乃結項後也附足上謂足背也絢在履頭上有孔得穿繫于中而過者也

教繼公曰掩瑱皆謂設其物也設掩者既結頤下即還結項中急欲覆其形也掩其前後而兩旁猶開故可以瑱悞目當面設之加於掩之上交結於後既設此則掩旁亦固矣

乃襲三稱

注遷尸于襲上而衣之凡衣死者左衽不紐襲不言設沐又不言遷尸于襲上以其俱當

牖無大異疏上文已布衣于舍東牀上而未襲今已飯含訖乃遷尸以衣著于尸故云遷尸于襲上而衣之也此襲沐與含沐並在南牖下小別而已無大異故不言設沐與遷尸也

教繼公曰浴時去衣故於此加衣焉曰襲三稱者爵弁服一也皮弁服二也祿衣三也襲不言設沐不言

布衣又不言遷尸經文略也襲昧當在戶牖之間

明衣不在算

注算數也不在數明衣禪衣不成稱也疏喪大記云袍必有表不禪衣必有裳謂

之一稱其祿衣雖禪以袍為裏故云稱明衣禪而無裏不成稱故不數也設韜帶搯笏

注韜

韜緇帶不言韜緇者省文亦欲見韜自有帶者韜韜用革搯揅也揅於帶之右旁疏見韜自有帶者韜韜用革

帶也生時緇帶以束衣革帶以佩玉生時有二帶死亦備此二帶也設決麗于桴自飯持

之設握乃連桴

注桴手後節中也飯大桴指本也決以韋為之藉有韋韋內端為紐外端有橫

帶設之以紐揅大桴本也因沓其韋以橫帶貫紐結於桴之表也

教總公曰桴字未詳以此文意求之或是巨桴之別名麗附也飯字亦未詳且從舊注持謂繞而固之也

蓋設決于大擘指而以其繫自指本貫紐繞而固之及設握乃以握之繫與擊之決繫相結則擊與握相連而不開矣既設決乃設極而後設握不言設極亦文省也此唯右手設握而左手則否其特重平日之便於用者乎或曰飯當作後謂指後也未知是否

郝敬曰設決前所陳棘決施兩大指以決繫交麗兩擘掌後骨曰擘麗連也左決連于右擘右決連于左擘使手交如生自飯含時持其擘使不得旁垂以便飯至設握乃連之不設極極無衣但以纊包之

記瑱塞耳

注塞充室 疏瑱用白纊用掩之不云塞耳恐同生人懸于耳旁故記人言之也

握裏親膚繫鉤中指結于擘

教繼公曰握于唯一而已與決同設于右手其繫則相關經文詳於設決略於設握故記見之

萬斯大曰經云設決施決于右手之大指也麗于擊者指設握後兩手交疊右手在內其決附著左擊也擊手下腕方設決時未遽麗從其後而言耳自飯持之謂自飯含時已設決持之若然設決在襲前而文在後連設握者決有組以連左擊未襲則衣未加握未入兩手宜開未遽得連必既襲既設握乃得取決之組連于擊而繫之故即總之曰設握乃連擊以見設決之事至此而始畢也記云設握襲親膚繫鉤中指結于擊則設握法也手既從兩端入握兩手交疊中指長出握外故取握之組鉤繞中指一匝而還結于擊以爲固也

雜記公襲卷衣一玄端一朝服一素積一纁裳一爵弁

二玄冕一褱衣一朱綠帶申加大帶於上

注朱綠帶者襲衣之

帶飾之雜以朱綠異於生也此帶亦以素為之申重也  
革帶以佩韋必言重加大帶者明雖有變必備此二帶  
也士襲三稱子羔襲五稱今公襲九稱則尊卑襲數不  
同矣諸侯七稱天子十二稱與疏公襲以上服在內  
者公身貴故以上服親身又欲尊顯加賜故襲衣最外  
而細服居中也子羔賤故卑服親身也玄端一者質云  
燕居之服玄端朱裳也朝服一者緇衣素裳公日視朝  
之服也素積一者皮弁之服公視朔之服也纁裳一者  
賀云冕服之裳也亦可驚義任取中間一服也爵弁二  
者玄衣纁裳二通也此是始命之服示重本故二通也  
招魂君亦用爵弁服也玄冕之下又取一也襲衣一者  
所加賜之衣最上華君賜也自卷衣至此合爵弁二為  
九稱朱紵帶者諸侯襲尸除五采之大帶外又別有此  
帶以素為之而朱綠飾之亦異於生時也已用此朱綠  
小帶結束之重加大帶於革  
帶之上者象生時大帶也

率帶諸侯大夫皆五采士二采

注此謂襲尸之大帶率

夫以上更飾以五采士以朱綠襲事成於帶變之所以

異於生 疏此謂尸襲竟而著此帶也 緯謂但襦帛邊

而厭殺之不加箴功異於生也以五采飾之亦異於生

也大夫與諸侯同而士二采並異於生也然此士天子

之士也諸侯之士則

纁帶故士喪禮細帶

子羔之襲也繭衣裳與稅衣纁袖為一素端一皮弁一

爵弁一玄冕一曾子曰不襲婦服

注繭衣裳者若今大

表之以稅衣乃為一稱爾稅衣若玄端而連衣裳者也

大夫而以纁為之緣非也唯婦人纁衽禮以冠名服此

襲其服非襲其冠曾子議襲婦服而已玄冕又大夫服

未聞子羔曷為襲之玄冕或謂為玄冠或為玄端 疏

次定四事

讀禮通考

四十一



此明大夫死者襲衣稱數也。繭衣裳者，繭為繭，謂衣裳相連而綿繭著之也。稅衣，謂黑衣也。若玄端而連衣裳也。玄端，多種令衣裳連是玄端。玄裳也。繭絳也。衽裳下緣，襪也。以絳為緣，故云稅衣。繭衽也。繭衣，既襲用稅衣表之，合為一稱。故云繭衣裳與稅衣。繭衽為一也。素端一第二稱也。盧云布上素下皮弁一第三稱也。十五升白布為衣，積素為裳也。爵弁一第四稱也。玄衣繭裳也。冕一第五稱也。大夫之上服也。繭衽是婦人之服，而子羔襲用之，故曾子譏之。

檀弓司士賁告於子游曰：請襲於沐。

注時失之也。禮子唯始死，廢沐。

游曰：諾。縣子聞之曰：汰哉叔氏，專以禮許人。

注當言禮然言諾非。

也。叔氏子游氏。疏案喪大記始死，廢沐至遷尸及襲皆在於沐。當時失禮襲在於池，故司士賁告子游子游。

知襲在昧為是故許諾之汰自矜大也言凡諮禮事當據禮以答之今子游不據前禮以答專輒許諾如禮出

於己是自矜大故縣子識之

諸侯伐秦曹桓公卒于會注魯成十三年曹伯廬卒于師是也諸侯請含

注以朋友有相啖食之道使之襲注非也襲賤者之事

襄公朝于荆康王卒注在魯襄二十八年荆人曰必請襲注欲

使襄公魯人曰非禮也荆人強之注欲尊巫先拂柩荆人

悔之注巫祝桃茢君臨臣喪之禮

陳澍曰魯襄公以二十八年朝楚適遭楚子昭之喪魯人知襲之非禮而不能違於是以君臨臣喪之禮

先之及其覺之而悔已無及矣  
此其適權變之宜足以雪恥

呂坤四禮疑斂不冠不帶非待死之禮也便宜為之  
禮冠帶不送死妨斂襲也然冠帶自有不妨斂襲  
者劉氏謂幅巾大帶良便即野服  
道粧亦無不可要在成禮而已

乾學案古禮但無冠而已非無帶也蓋古人  
之襲斂全體包裹其內加冠則勢有所難容  
故不得已而去之意在堅束其尸非以為容  
飾也劉氏幅巾大帶之說本於書儀用之亦  
可若云野服道粧此何禮乎呂氏專據已見

而拊擊古禮不遺餘力亦未見其說之盡當也


家語孔子之喪公西赤掌葬焉含以疏米三貝襲衣十有一稱加朝服一冠章甫之冠佩象環徑五寸而綦組綬桐棺四寸栢槨五寸

乾學案襲衣之數士三稱大夫五稱孔子即行大夫禮亦止於五稱豈有用十一稱之禮況古之襲與斂皆不用冠蓋既加冒則無所

用冠也此云章甫之冠亦不可信足知家語  
非古也

右齋

# 飯含襲圖



設冒橐之幪用衾

疏橐是韜盛之名今以冒橐盛尸故名爲橐襲訖仍用大斂衾以其襲時

無衾也

雜記冒者何也所以揜形也自襲以至小斂不設冒則

形是以襲而后設冒也

疏小斂之時雖已著衣若不設冒則尸象形見爲人所惡是以

襲而后設冒也

喪大記君錦冒黼殺綴旁七大夫玄冒黼殺綴旁五士

緇冒黼殺綴旁三凡冒質長與手齊殺三尺自小斂以

往用夷衾夷衾質殺之裁猶冒也

注冒者既襲所以韜尸重形也殺冒之下

裙韜足上行者也。小斂又覆以夷衾，裁猶制也。疏：冒有質有殺，作兩囊，每囊橫縫合一頭，又縫連一邊，餘一邊不縫，兩囊皆然也。上曰質，下曰緘。君質用錦，殺用黼。緘旁七者，不縫之邊，上下安七帶緘以結之，故云緘旁七也。大夫玄冒，黼殺緘旁五，士緇冒，緘殺緘旁三，尊卑之差也。凡謂貴賤冒過名也。言冒之質從頭韜來，至下長短與手相齊也。殺三尺者，殺從足韜上長三尺也。小斂前有冒，不用夷衾，自小斂後衣多，不可用冒，故用夷衾覆之也。夷衾長短制度如冒之質殺，但不復為囊及旁緘也。

### 右設冒

巾衾簪蚤埋于坎

注坎至此築之也。將襲辟奠，既則反之。疏上文直云渎濯棄于坎，不言

埋必至此，乃築之者，以其斂事遽無暇，即埋又慮更有殯埋者，故至此覆尸訖，乃埋始死。脯醢醢酒之奠，設于



尸東方襲時必當遷避之襲訖反之于尸東以其不可  
空無所依故也案下記云小斂辟奠不出室彼還是襲  
奠則此辟襲奠亦不出室仍不言處大斂時辟小斂奠  
于序西南則此宜室西南隅也此奠襲後因名襲奠故  
下鄭注云將小斂則辟襲奠

教繼公曰巾飯時覆面之中也衾按齒及扱米者也  
髻櫛餘之髮及所揃須也蚤所斷手足爪也理者亦  
為人之襲之

記甸人築圻坎

注築實土其中聖之穿坎之名一曰錄  
疏甸人掘坎還使甸人築之也

人湮廁

注譯人罪人也今之徒役作者也湮塞也為人  
復往棄之又亦鬼神不用疏古者非直不共

漏浴亦不共廁故  
得云死者不用也

喪大記君大夫簪爪實于綵中士埋之

注綵當為角謂棺內四隅也簪

亂髮也將實爪髮棺中必為小囊盛之疏死者亂髮及手足之爪君大夫則盛以囊實于棺角之中士賤亦

有物盛以埋之

### 右埋簪爪

重木刊鑿之甸人置重于中庭三分庭一在南

注木也懸物焉

曰重刊斷治鑿之為縣簪孔也士重木長三尺木有物縣于下相重累故得重名簪孔者若冠之筭謂之簪使冠連屬于紒此簪亦相連屬于木也士重木長三尺則大夫以上當約銘旌之杠大夫五尺諸侯七尺天子九尺據賢之者橫者宜半之

教繼公曰木刊鑿之者謂以木為之而加刊鑿也  
鑿謂鑿其前為二孔而以簪貫之為縣局之用也

夏祝鬻餘飯用二鬲于西牆下

注鬻本作粥夏祝祝習夏禮者也夏人教以忠

其於養宜鬻餘飯以飯尸餘米為鬻也士二鬲則大夫  
四諸侯六天子八與簋同差疏西牆下有竈即甸人

為鬻是也前商祝奠米夏祝為鬻用疏布久之繫用幹縣  
徹之今乃鬻之而盛于鬲也

于重幕用葦席北面左衽帶用幹注久讀賀之結于後

為炙謂

以蓋塞鬲口也幹竹筴也以席履重辟屈而反兩端交  
于後左衽西端在上賀加也疏炙塞義謂用簾布蓋

鬲口為塞也筴謂竹之青可以為繫者以席履重辟屈  
而反者以席先于重北面南掩之然後以東端為下向

西西端為上向東是為辟屈而反兩端交  
于後為左衽然後以筴加束之結于後也

教繼公曰冪用疏布以布覆鬲也既夕禮曰木桁久之然則久者乃以物盛他器之稱此久不言其物則是因以所幕者為之與既以布冪其上又承其下乃以紵繫之而縣于重前之簪也紵字從革似當為革之屬冪用葦席以席蔽重之前後也北面謂席之兩端皆在此也左衽者右端在上而西向象死者之左衽也帶用紵者以紵中束其席如人之帶然因名之後謂重之南也重主道也故言面言衽與帶以見其

義云

祝取銘置于重

注祝習周禮者也疏以銘未用待殯訖乃置于碑今且取銘置于重以重與

主皆是棲神之物故也

教繼公曰未用之權置于此蓋杠在其後銘在其前

檀弓重主道也

注始死未作主以重主其神也重既虞而理之乃後作主

右設重

記既襲宵為燎于中庭

注宵夜 疏士之喪死日而襲經不云中庭設燎故記明之也

喪大記君堂上二燭下二燭大夫堂上一燭下二燭士

堂上一燭下一燭

注燭所以照饌也滅燎而設燭有喪則於中庭終夜設燎至曉滅燎

而日光未明故須燭以照祭饌也


萬斯同曰鄭孔之說皆謂設燭以照饌然則後世之祭奠而燒燭者其肇端於此乎

右設燎

乾學集經無設燎之文故取記文補之

乾學案士與大夫俱三日而殯注家謂士之  
三日連死日數大夫之三日從死之第二日  
數禮或然也此篇雖雜陳諸侯大夫之禮要  
之以士禮為主士之禮死之日襲第二日小  
斂第三日大斂則此篇所載皆死日之事也  
然周人斂用日出則襲亦必用日出死日即  
襲豈能行於日出之候乎必為次日之日出  
可知也但次日日出之前總可名為死之第

一日則襲仍死日之事云



讀禮通考卷四十

欽定四庫全書

經部

讀禮通考卷四十二

詳校官監察御史臣劉湄

給事中臣溫常綬覆勘

總校官編修臣王燕緒

校對官編修臣吳裕德

謄錄監生臣陶必榕



欽定四庫全書

讀禮通考卷四十一  
刑部尚書徐乾學撰

喪儀節四

初終下

唐開元禮三品以上喪

乾學案開元禮原本分三品以上五品以上  
六品以下為三篇程氏通典及新唐書凶禮  
志則彙而為一今依通典取三品以上為主

而四品以下之異者則仍採通典之注以別之庶便於觀覽云

初終

有疾丈夫婦人各齋於正寢北墉下東首

墉牆也東

首順生氣

養者男子婦人皆朝服齋親飲藥子先嘗之

嘗度其所

堪疾困去故衣加新衣

為人來穢惡也

徹樂清埽內外

為賓客來問

分禱所祀

盡孝子之情也五祀及所封境內名山大川四品五品祀中雷門戶靈行六品以下祀門

及侍者四人

六品以下俱四人也

坐持手足

為不能自屈伸內喪則婦人持之

遺

言則書之屬續以候氣

續新縣置於口鼻

氣絕廢牀寢於地

始人

生在地庶其  
生氣反也

主人啼餘皆哭

哀有深

男子易以白布衣

被髮徒跣婦人青縑衣被髮不徒跣女子子亦然

父為長子

為人後者為其本生父母皆素冠不徒跣女子子嫁者  
髻六品以下內外皆著素服妾妾皆被髮徒跣女子子  
不徒跣出嫁者髻出後人者為本生父母素服  
不徒跣主人主婦衣服無改男女隨事設惟憚齊衰以

下丈夫素冠婦人去首飾

謂齊衰婦人也

內外皆素服

素服謂有服者

白布十五升無服者不  
服列綵則常所素衣

主人坐於牀東啼踊無數衆主

人在主人之後兄弟之子以下又在其後俱西面南上

哭妻坐於牀西妾及女子子在妻之後哭踊無數兄弟

之女以下又在其後俱東面南上藉席坐哭

六品以下孫及兄弟

孫在諸子之後女孫及兄弟女孫在兄弟女子子之後服精麗為坐先後下準此

內外之際隔

以行帷

帷堂內門南北隔之

祖父以下於帷東北壁下南面西上

祖母以下於帷西北壁下南面東上皆舒席坐哭

六品以下

為適子三年者則革薦

乾學案古者宮室之制前為堂後為室中以

壁隔之則在堂帷之內者正直北壁下後世

宮室之制異於古大約左右為室而中為堂

則死於室中者尸在北牖下子女妻妾皆使  
沐而在北壁下矣即隅以行惟安所得北壁  
而坐之此皆欲依古禮而不知古今之異制  
故也

外姻丈夫於戶外東北面西上婦人於主婦西南北面  
東上皆舒席坐哭

若舍窄則宗親丈夫在戶外之東北面西上外姻丈夫在戶外之西北面

東上諸內喪則尊行丈夫外親丈夫席位於前堂若戶外  
之左右俱南面宗親戶東西上外親戶西東上凡喪位

皆以服精麤為序國官位於門內之東重行北面以西  
為上俱衰巾帕頭舒橐薦坐參佐位於門內之西重行  
北面以東為上俱素服舒席坐哭自國官以下無斬衰三  
日不食齊衰二日不食大功一日不食小功總麻再不  
食

復

始死則復

復於正寢復者三人

復謂招魂復魄四品五品則二人六品以下則

一人皆常服以死者之上服左荷之升自前東雷

六品以下則升

前東榮榮屋翼也

當屋履危北面西上棟左執領右執腰招以

左每招長聲呼某復

男子皆稱字及伯仲婦人稱姓其復者人數依其夫也六品以下男

子稱名

三呼而止以衣投於前承之以篋

六品以下以箱

升自阼

階入以覆尸

若得魂返然

復者撤舍西北扉降自後西

不由前降

不以虛返因撤西北扉若云此室凶不可居然自是復行死事所撤靡之薪以充煮沐六品以下西榮餘同

衣不以襲斂

浴則去之

乃設牀

設牀

設牀於室戶內之西去脚舒簟設枕施幄

六品以下

不施幄

去裙遷尸於牀南首覆用斂衾去死衣

斂衾大斂所用之衾

黃表素裏也死衣病時所加新衣

楔齒用角柶

為將含也

綴足以燕几校在南

綴猶拘也校几脛也尸南首几  
脛在南以拘之則不使辟戾

侍者坐持之其內外哭

位如始死之儀乃奠

奠

六品以下含而後奠文與此同

奠以脯醢酒用吉器無巾柶升自

阼階奠於尸東當牖

鬼神無象故設奠以依憑

內喪內贊者皆受於

戶外而設之

凡內喪皆內贊者行事

既奠贊者降出帷堂

初氣絕室內隨

事設惟至此小訖故設帷堂若有赴者遣赴赴禮合在此下含篇後為與勅使弔篇宜相近故列在後也

沐浴

自沐浴下至設重其事皆可同時而興

掌事者掘塹於階間近西

南順廣尺長二尺深三尺南其壤為塊竈於西牆下東



向以俟煮沐新盆盤瓶六甌

四品五品四甌六品以下二甌

皆濯之陳

於西階下

新此器者重死事塊竈累土為竈盆以盛水盤以承濡濯瓶以汲也甌无罌受二升有蓋

濯謂澣

沐巾一浴巾二用絺若絺實於笄

巾所以拭也浴巾二者上體下

體異絺細葛絺麗葛也笄竹器也

櫛實於箱若簞浴衣實於篋

浴衣已浴所衣

之衣其制今之眠怕六品以下櫛及浴衣各實於箱

皆具於西序下南上水浙稷

米

六品以下浙米

取潘煮之及汲為湯以俟浴以盆盛潘及

沐盤升自西階授沐者執潘及盤入主人皆出戶外

象平

生沐浴子孫不在旁主人出而袒簣謂沐簣去席

主人以下於戶東北面西上

主婦以下皆於戶西北面東上俱立哭其尊行丈夫於主人之東北面西上婦人於主婦之西北面東上俱坐

哭婦人權幃以惟主人以下既出乃沐櫛

櫛櫛

束髮用組

拒用巾

拒睇也清也

浴則四人

六品以下則二人

抗衾二人浴拭用

巾拒用浴衣設牀於戶東衽下莞上簟浴者舉尸易牀

設枕翦鬚斷爪如平常鬚髮爪盛以小囊大斂納於棺

槨齒之柶浴巾皆埋於塋寘之著明衣裳以方巾覆面

仍以大斂之衾覆之訖内外入就位哭乃襲

襲陳襲事於房內襲衣三稱

六品以下一稱

西領南上

一朝服一稱

常服二稱凡陳衣者實之以箱篚承以席

明衣裳

合用生絹單衫

烏

六品以下履一

帛巾

一方尺八寸充耳用白纁面衣用玄方尺纁裏組繫

六品

以下亦纁

握手用玄纁裏長尺二寸廣五寸削絢於內旁寸

著以絲組繫

握手手所握者而衣及手衣皆通餘色六品以下繫手衣一具執服者陳

襲衣庶襚繼陳不用

庶衆也不用不襲也多將襲具沐陳之為榮少納之為貴

席於西階西內外皆出哭於戶外其位如浴時襲者

以沐升入設於尸東布枕席如初

自庶襚繼陳以下六品以下無執服

者陳襲衣於席祝去巾

六品以下襲者去巾

加面衣設充耳著握

手納舄若履

凡衣死者左衽不紐將襲辟奠既襲則設六品以下皆納履著手衣

既襲乃

覆以大斂之衾

始死時所覆衾

內外俱入復位坐哭

諸尊者於卑幼之喪

及嫂叔兄弟姊妹姪婦哭朝脯之間非有事則休於別室

含 贊者奉盤水及筭

筭竹器

飯用梁舍用璧

四品五品用稷與碧

六品以下梁與貝

升堂舍者盥手於戶外贊者沃盥舍者洗梁

璧

四品五品洗稷碧六品以下洗梁貝

實於筭執以入祝從入北面

六品以下

無祝從

徹枕去楔受筭奠於尸東舍者

六品以下主人舍

坐於牀

東西面鑿巾

巾先覆面將含當口鑿之六品以下去巾

納飯含於尸口既含

主人復位楔齒之柩與浴巾同埋於坎

六品以下於此復用奠與上文

同

宋政和五禮新儀品官喪禮

初終

自有疾至襲

有疾者齋於正寢東首北牖下養者皆

公服齋徹樂藥先嘗之疾困去故衣加新衣清埽内外

分禱所祀侍者四人坐持手足

內喪以婦人充

遺言則書之屬

續以候氣絕廢牀寢於地主人啼餘皆哭男子以白布

衣被髮徒跣婦人青纁衣被髮不徒跣女子亦然

父為長子

為人後者為其本生父母皆素冠不徒跣女子子嫁者髻齊衰期以下丈夫素布巾

婦人去首飾主人坐於牀東餘在其後啼踊無算兄弟之子以下又在其後俱西面南上妻坐於牀西妾及女子在其後哭踊無算兄弟之女以下又在其後俱東面南上藉橐坐哭內外之際隔以行帷祖父以下於帷東北壁下南面西上祖母以下於帷西北壁下南面東上外姻丈夫於戶外之東北面西上婦人於主婦西南

北面東上皆舒席坐哭

若舍窄則宗親丈夫在戶外之東北而西上外姻丈夫在戶外

之西北面東上若內喪則尊行丈夫外親丈夫席位於前堂若戶外之左右俱南面宗親戶東西上外親戶西

上凡喪位皆以服精麤為序復於正寢復者三人

六品以下

二人婦人視其夫

皆常服以死者之上服左荷之升自前東榮

當屋履危

危屋棟也

北面西上左執領右執腰招以左每招

曰皋某復三呼而止

丈夫稱字或伯仲婦人皆稱姓

投衣於前授以箱

升自東階入以覆尸復者降自後西榮復衣不以襲斂

浴則設牀第於室戶內之西去脚舒簟設枕施幄去裙

遷尸於牀南首覆用夷衾

大斂時所用之衾也黃表素裏下同

去死衣

疾困所加新衣

即牀而奠贊者以脯醢酒用吉器升自東階設

於尸東當牖

內喪皆內贊者行事受於戶外入而設之

既奠贊者降出帷堂

掌事者掘坎於階間少西

廣尺長二尺深三尺

為塊竈於西牆下

東向以俟煮沐

塊竈掘土為之

新盆盤瓶鬲皆濯之陳於西階

下

盆以盛水盤以承濡濯瓶以汲水鬲瓦罌一品以下六四品以下四六品以下二

沐巾一浴

巾二用絺若絺櫛及浴衣各實於篋

六品以下無篋以箱

皆具於

西序下南上陳襲事於房中襲衣三稱西領南上

服



一稱常服二稱皆實以箱承以  
席几陳衣如之六品以下一稱明衣裳履襪具掩練帛

一方尺八寸掩裏首也充耳用白纁幘目用緇經裏方尺二

寸組繫幘目面衣也組繫可結下同握手用緇纁裏長尺二寸廣五

寸著組繫將沐掌事者淅稷米六品以下用梁米取潘煮之又

汲為湯以俟浴以盆承潘及沐盤升自西階以授沐者

以待者四人為之六品以下二人沐者執潘及盤入主人以下皆出戶

外北面西上俱立哭丈夫在東婦人在西婦人權障以帷下同乃沐櫛束髮

用組浴則四人抗衾二人浴拭用巾拒用浴衣濡濯棄

於坎設牀於尸東衽下莞上簟浴者舉尸易牀設枕翦鬢斷爪盛以小囊大斂納於棺著明衣裳以方巾覆面仍以大斂之衾覆之主人以下入就位哭乃唈贊者奉

盤水及筭

筭竹器也

飯用糗噲用璧升堂

六品以下用梁與貝

噲者六

以下主人自為之

盥手於戶外贊者沃盥噲者洗糗璧

梁貝同

實

於筭執以入贊者從入北面徹枕奠筭於尸東噲者坐

於牀東西面發巾實飯噲於尸口訖主人復位

位在尸東

襲

者以牀升入設於尸東布枕席如初執服者陳襲衣於

席遷尸於席上而衣之

凡衣死者左衽不紐

祝去巾加面衣設充

耳著握手納履若鳥覆以夷衾內外皆就位哭如初

諸

者於卑幼之喪及嫂叔兄弟姊妹婦哭朝晡之間非有事則休於別室

設銘以絳廣充幅

四品以下廣終幅

輜杠

杠銘竿也其長視絳四品以上長九尺六品以上長八尺九品以上長七尺

書曰某官封之柩

婦人視其夫有官封則曰某官封某

氏之

為重

以木刊鑿之為懸孔

長八尺橫者半之

五品以下七尺七品以下六尺

置於中庭參分庭一在南掌事者以沐之米為粥實於

二鬲

鬲各視其數

冪用疏布繫以竹筴垂於重覆用葦席北

向屈兩端交於後兩端在上綴以竹筴祝取銘置於重  
又於殯堂前楹下夾以葦席簾門以布又設葦障於庭  
厥明乃斂

凡言贊者祝掌事者皆以常使者臨時為之東西之序臨時隨所居之向背設之

士庶人喪禮

初終

自有疾至襲

有疾者齋於正寢東首北墉下養者齋

徹樂飲藥先嘗之疾困去故衣加新衣清埽內外分禱

所祀使人坐持手足

內喪使婦人

遺言則書之屬纊以候氣

氣絕廢牀寢於地主人啼餘皆哭男子易以白布衣被

髮徒跣婦人青纁衣被髮不徒跣女子子亦然

父為長子為人

後者為其本生父母皆素冠不徒跣女子子嫁者髻

期親以下丈夫素巾婦人去

首飾主人坐於牀東餘次之啼踊無算兄弟之子以下

又在其後俱西面南上妻坐於牀西妾及女子子次之

哭踊無算兄弟之女以下又在其後俱東面南上藉橐

坐哭內外之際隔以行帷宗親尊行丈夫於帷東北壁

下南面西上婦人於帷西北壁下南面東上外姻丈夫

於戶外之東北面西上婦人於主婦西南北面東上皆

坐席而哭凡喪位皆以服精麤為序復於正寢復者一人以死者之上服左荷之升自前東榮當屋履危北面西上左執領右執腰招以左每招曰舉某復三呼而止

男稱名婦人稱姓

授衣於前授以箱升自東階入以覆尸復者

降自後西榮復衣不以襲斂浴則去之設牀於室戶內

之西去脚舒簟設枕遷尸於牀南首覆用夷衾

大斂時所用之

衾黃表素裏下同

去死衣

疾困所加新衣

即牀而奠贊者

以親或所使者為之以

脯醢酒用吉器升自東階設於尸東當隅

內喪皆內贊者行事受於

戶外而設之既奠贊者降出帷堂掌事者掘坎於階間少西

坎深三尺為塊竈於西牆下東向以俟煮沐掘土為竈新盆

盤瓶皆濯陳於西階下沐巾一浴巾二皆用布櫛及浴

衣各實於箱皆具於室西南上陳襲事於房中襲衣一

稱西領南上明衣裳履襪具掩練帛一方尺八寸掩首衣也

充耳用白纁面衣用緇經裏方尺二寸握手用緇纁裏

長尺二寸廣五寸將沐掌事漸梁米取潘煮之又汲為

湯以俟浴以盆承潘及沐盆升自西階沐及浴皆二人抗衾一人浴

沐者受沐主人以下皆出戶外北面西上俱立哭

丈夫在東

婦人在西  
擗障以帷

乃沐櫛拭用巾拒用浴衣束髮用組濡濯棄

於坎設沐於尸東衽下莞上簟浴者舉尸易沐設枕翦  
鬢斷爪盛以小囊大斂納於棺著明衣裳以方巾覆面  
仍以大斂之衾覆之主人以下入就位哭乃啗贊者舉  
奉盤以及筭飯用梁啗用貝升堂主人出盥手於戶外  
洗梁貝實於筭執以入徹枕奠筭於尸東主人坐於沐  
東西面發巾實飯啗於尸口訖主人復位襲者以沐升



入設於尸東布枕席如初執服者陳襲於席遷尸於席

上而衣之

左社不經

襲者去巾加面衣設充耳著握手覆以

夷衾內外哭如初

諸尊者於卑幼之喪及嫂叔兄弟姊妹姪婦哭朝晡之間非有事休于別室

設銘於西階下

銘以絳廣充幅齋紅書云某人之柩

為重置於庭厥明乃

小斂

司馬氏書儀

初終

病甚附

疾病

謂疾甚時也

遷居正寢內外安靜以俟氣

絕

諡詳奔走固病者所惡也悲哀哭泣傷病者心叶呼撼梓尤為不可使病者驚怛搖頓皆未免為不終天

年故不若安恬靜默以待其氣息自盡為最善也

男子不絕於婦人之手婦人

不絕於男子之手

春秋書公薨于路寢禮之正也士喪禮死于適室適室正寢之室曾子且

死猶易簀曰吾得正而斃焉斯可矣近世孫宣公臨薨遷于外寢蓋君子慎終不得不爾也凡男子疾病婦人侍疾者雖至親當處數步之外婦人疾病男子亦然此所謂能以禮自終也既絕諸子啼兄

弟親戚侍者皆哭盡哀止哭

開元禮於此下即言男女易服布素及坐哭之位案

喪大記唯哭先復復然後行死事復者返也孝子之心猶冀其復生也又布素之服非始死所有今並繫之復後

復

立喪主護喪等附

侍者一人以死者之上服

案雜記喪大記復衣諸侯

以衆夫人以屈狄內子以鞠衣今從開元禮有官則公服無官則襴衫或衫婦人以大袖或背子皆常經衣者

左執領右執腰就寢庭之南北面招以衣呼曰某人復

喪大記曰凡復者男子稱名婦人稱字今但稱官封或依常時所稱可也凡三呼畢卷衣入

覆於尸上

士喪禮復者升自前東榮中屋履危北面招以衣曰皋某復三開元禮亦倣此今升屋而

就寢庭之南面而已

然後行死事立喪主

凡主人以長子為之無長

子則長孫承重奔喪曰凡喪父在父為主注與賓客為禮宜使尊者又曰父沒兄弟同居各主其喪注各為妻

子之喪為主也又曰親同長者主之鄭康成曰昆弟之喪宗子主之又曰不同親者主之注從父昆弟之喪也

喪大記曰喪有無後無主若子孫有主婦檀弓啜主喪而祖父主之子孫執喪祖父拜賓主婦檀弓啜主

義曰主人亡者之子主婦亡者之妻若亡婦護喪以家長或子孫

者無妻及母之喪則以主人之妻為主婦護喪或子孫

能幹事知禮者一人為之凡喪事皆稟焉若主人未成服不出則代主人受弔拜賓及受贈襚占禮初喪主人

常在尸側唯君命司書以子弟或吏人能書札司貨以

出出而遇賓則拜者為之掌糾書既之事司貨以

親或吏僕可委信者掌糾貨賄之事置厯以謹其出入

親賓有賻襚則書於別厯收之以待喪用其衣服不以

易服既復妻子婦妾皆去冠及上服上服謂衫帶被

髮男子扱上衽謂衽衣前襟之帶徒跣婦人不徒跣男子為人

後者為本生父母及女子已嫁者皆不被髮徒跣但去

冠及上服凡齊衰以下内外有服親及在喪側給事者

皆釋去華盛之服

謂錦繡緋紅金玉珠翠之類

著素淡之衣

問喪親始死筭

纁徒跣扱上衽注親始死去冠二日去筭纁括髮也上衽深衣之裳前開元禮初終男子易以白布衣被髮徒跣婦人易以青纁衣被髮不徒跣為人後者為本生父母素冠不徒跣女子已嫁者髻齊衰以下丈夫素冠婦人去首飾内外皆素服案筭纁今人平日所不服被髮尤哀毀無容故從開元禮然白布青纁衣素冠素服皆非始死所能辦故但釋去華盛之服本應三年喪者則去冠及上服期喪以下士大夫帽子皂衫青黃勒帛庶人不改常服禮男子括髮婦人多髻故於始死時期喪以下但去首飾易華盛之服而已世俗多忌諱或為父則被左髮母則被右髮舅則被後左姑則被後右皆非禮宜全被之

訃告 護喪司書為之發書訃告於親戚及僚友

檀弓曰父

兄命赴者然則主人不自赴也若無護喪及司書則主人自赴親戚不赴僚友劉岳書儀卒哭然後發外人書疏蓋以哀痛方深未暇與人通問故也然問候慶賀之書居喪誠不當發必若有事不得已須有聞於人者雖未卒哭豈可以不發也

沐浴飯含襲

始死之莫哭泣附

將沐浴則以帷障卧內侍者

設牀於尸所卧牀前縱置之施簣席簟枕不施羶褥者

古

疾病廢牀人生在地去牀庶具生氣反也將沐浴則復遷尸於牀人既死乃卧尸於地訖也古者沐浴及飯含皆在牖下今室堂與古異制故於所卧牀前置之以從宜也古者沐浴設牀袒簣袒簣者去席盪水便也今藉

以簾不設殯襦遷尸於牀上南首覆之以衾禮運曰死者北首謂

葬時也旬沐浴至殯古侍者掘坎於屏處潔地士喪禮

亦南首唯朝廟北首坎于階間少西今以孝子之心不忍朝夕陳襲衣裳於

堂前東北藉以席西領南上幅巾一古者死人不冠但以帛裹其首謂之

掩蓋以襲斂主於保護肌體貴於柔軟緊實冠則磊塊

難安況今幘頭以鐵為腳長三尺而幘用漆紗為之上

有虛簷置於棺中何由安帖莫若襲以常服上加幅巾

深衣大帶及履既合於古又便於事幅巾所以代掩也

其制如今之煖帽深衣帶履自有制度若無深衣帶履

止用衫勒帛鞋亦得其幘頭公服腰帶靴笏俟葬時置

於棺上可也充耳二用白纊以絲為之如棗核大用塞耳中慎目一用帛方

讀禮通考

十六

尺二寸

所以覆面者也

握手用帛長尺二寸廣五寸

所以裹深手者也

衣大帶履若襪衣有餘則繼陳而不用

謂親戚以衣服束襪者繼陳於

襲衣之下而不用以襲也多陳之為榮少納之為貴

又陳飯含沐浴之具於堂前

西壁下南上錢三實於小箱

古者飯用米貝今用錢猶古用貝也大夫以上仍有

珠玉錢多既不足貴又口所不容珠玉則更為盜賊之招故但用三錢而已

米二升實於盥

古者諸侯飯用粱大夫用糗士用稻今但用御士平日所食之米可也古升小故用四升今升大故用二升

沐巾一浴巾二設於筐

浴巾二上下體各異也

櫛置於卓子上侍

者汲新水淅米令精復實於盥侍者以沐浴湯入主人



以下皆出立於帷外北面

以其裸程子孫不可在側故也

侍者沐髮櫛

之晞之以巾撮為髻舉衾而浴

亦為其裸程故舉衾以障之

拭之以

二巾翦爪如平時其沐浴餘衣及巾櫛皆弃於坎遂築

而實之侍者別設襲牀施薦席簞褥枕如平時先置大

帶深衣袍襖汗衫袴襪勒帛裹肚之類於其上遂舉以

入置浴牀之西遷尸於其上悉去病時衣及復衣易以

新衣但未著幅巾深衣履移置堂中間

鄭注喪大記曰正尸謂遷尸于

牖下南首也

今室堂既異於古故置堂中間取其容男女夾牀哭位也

卑幼則各於其室

中間

自餘應者並依此

在堂

執事者置脯醢酒於卓

曾子問始死之奠其餘間

也與注不容饌但用脯醢

政新也古人常畜脯醢故始死未暇別具而已今人或無脯醢但有食物一兩種并

酒可也凡奠金銀綾裏之物

除酒器之外盡用素器不用以主人有哀素之心故也

升自阼階祝

盥手洗盞斟

酒奠於尸東當隅中之

隅肩頭也士喪禮復者降楔齒綴足

即奠脯醢醢酒

于尸東開元禮五品以上如士喪禮六品以下含而後奠今不以官品高下沐浴正尸然後設

奠於事為宜奠

謂斟酒奉至卓上而不酌也主人虞祭然後親奠酌巾者以辟塵蠅凡無兩階者止以階之東

偏為阼階西偏為

階祝選親戚為之

主人坐於牀東奠北衆男應服三

年者坐其下

皆西向南上藉以橐同姓男子應服期者

坐其後大功以下又以次坐其後皆西向南上尊行坐  
於北壁下南向西上藉以席薦各以服重輕昭穆長幼  
為序主婦及衆婦女坐於牀西藉以橐同姓女子應服  
期以下坐於其後尊行坐於牀東北壁下南向東上藉  
以席薦亦各以服重輕昭穆長幼為序如男子之儀妾  
婢立於婦女之後婦以夫之長幼為序不以身之長幼異姓之親丈夫坐  
於帷外之東北向西上此非沐浴之帷謂設帷於堂裏所以別內外者也婦人  
坐於帷內之西北向東上皆藉以席有服者在前無服

者在後各以尊卑長幼為序若內喪

謂婦人

則同姓丈

夫尊卑坐於帷外之東北向西北上異姓丈夫坐於帷外

之西北向東上

士喪禮及喪大記皆備列親屬哭位今堂室異制難一一如古但做開元禮為

哭位古者諸侯卿大夫於其宗族有君臣之義故其臣不敢坐於君側今但依士禮婢妾之外皆坐哭寒月先

病之人有不堪廩及單席者三年之喪聽坐廩薦期喪以上聽加白檀於席上可也或堂宇狹隘五服不能各

為一列則輕服次重服之下絕席以別之自既服之後男女哭擗無數至是

始就位而哭盡哀止

三年之喪夜則寢于尸旁藉藁枕塊羸病者藉以草薦可也期喪以

下寢于側近男女異室外觀歸其家可也主人出左袒自面前扱於腰之右

盥手洗盞執箱以入侍者一人挿匙於米盃執以從置

於尸西又一人執巾以從徹枕以巾覆面

恐飯之道落米也

主

人就尸東由足而西牀上坐東面舉巾以匙抄米實於

尸口之右并實一錢又施左於中亦如之主人襲

謂襲所袒

之衣也

復位侍者加幅巾充耳設幘目納履乃襲深衣結

大帶設握手覆以衾

朱子家禮

凡言儀節者皆瓊山丘氏藩所補

疾病遷居正寢

凡疾病遷居正寢內外安靜以俟氣絕男子不絕於婦人之手婦人不絕於男

子之手

丘濬曰正寢即今人家所居正廳也案士喪禮鄭注謂為士喪其父母之禮令家禮亦然所謂遷居正寢者惟家居為然餘人則各遷於其所居之室中

馮善家禮集說或問病篤遷出外寢能不傷其心乎子之於親心忍遷乎舉扶遷動或致奄絕能無憾乎曰喪大記云君夫人大夫卒于正寢內子未命則死下室遷尸於寢士之妻皆死於私寢蓋貴者宜遷賤而無嫌者不必遷也且當溫公時遷者亦少不然公何獨稱孫宣公一人哉

既絕乃哭

儀節

若病勢度不可起則先設牀於正寢中凡喪禮儀節特揭出以曉人非用以唱贊也後倣此

遷居正寢

子弟共扶病者出居牀上東首

戒內外

既遷則戒內外安靜毋得譚笑驚擾

仍令人坐其旁持手足男子不死婦人之手婦人不死男子之手

書遺言

問病者有何言言則

書於紙加新衣

徹去舊衣加新衣喪大記

屬纊

置新於

口鼻之間以俟氣絕

廢牀寢地

病者氣將絕則鋪薦褥於地俟其氣絕則

扶居其上楔齒

以一筭橫口中楔齒使不合可以含案古禮楔齒用桮桮用桮為之長

六寸兩頭屈曲為將含恐死者口閉故

舉哀

至是婦女入男

女哭擗無數以上初喪禮自補入以下若倉卒不能盡從唯用遷居正寢屬纊廢牀寢地楔齒舉哀五節

可亦

復侍者一人以死者之上服嘗經衣者左執領右執腰  
自前榮升屋中雷北面招以衣三呼曰某入復畢卷  
衣降覆尸上男女哭辨無數上服謂有官則公服無  
官則襦衫兒衫深衣婦人大袖背子呼某入者從生時  
號之

高閑曰今淮南風俗民有暴死則使數人升其居  
屋及於路旁過呼之亦有蘇活者豈復之餘意歟  
孫氏家乘吾常之俗人始卒其子親自招魂於土地  
祠此大非禮也夫親死則孝子當時刻不離左右豈  
有反出門者乎觀古禮之復但遣家人於家中升屋  
今乃遠往土地祠更何說與此必始於市井妄人凡  
為士君子者不可  
以不知其說也

儀節

遣一人持死者之上衣曾經服者左執  
領右執要上衣即今俗所謂上蓋衣也

升屋

自前  
屋升



脊北 招呼 日呼 某人復 凡三次 男子稱名或字及行第 面 婦人稱姓氏或行第 隨常所稱

呼 卷衣 降 自屋後下以兩 哭 擗 復擗 男女 卷衣履尸上 哭擗無數

立喪主

凡主人謂長子無則長孫承重以奉饋奠 主婦 其與賓客為禮則同居之親且尊者主之

謂亡者之妻無 護喪 以弟子知禮能幹者 司書 以子弟 則主喪者之妻 為之凡喪事皆秉之 知書者

為 司貨 置二厯其一書凡喪禮當用之物及財 貨出入其一書親賓賻贈祔祭奠之數

丘氏補立主賓

用同居之尊且親者一人為之如無 同居者擇屬之親賢者又無族屬則

用親戚又無親戚則用執 立相禮 案禮司徒敬子之 友亦可專主與賓客為禮 喪孔子為之相杜

橋母喪宮中無相時人譏其粗略則喪必有相也久 矣况禮廢之後人家子弟未必皆知禮宜議親友或

鄉鄰中素習禮者一人為相禮凡喪事皆聽之處分  
而以護喪助焉凡喪事合當用之物相禮者俱命  
司貨豫為之備及所用之人亦當與護喪議豫求  
其人庶臨事得用不致闕乏今謹詳其目如左

棺具

板

之油杉為上栢次  
之土杉為下

油桐

漆

灰

瀝青

少用

蚌粉黃蠟青油合  
煎之出厚終禮

糯米

紙

麻穰

鐵釘

鐵環

大索 七星板

用板一片其長廣棺  
中可容者鑿為七孔

遷尸之具 幃

以白布為尸牀  
之障尸牀

以木為牀簣  
之去脚牀簣

以竹枕

衾

以上皆用舊者  
無則買之或造

卓子

沐浴之具

幃

縫白布掘坎  
為之

為塋

以土塊為窆  
煮沐浴湯者

盆

或水瓶

汲水者

沐巾

浴巾

二俱用布上下體各用其一

櫛

梳也

組

絲繩

束髮根者

襲具

襲沐

草薦

席褥

枕

幅巾

其制如今之煖帽以

代古之掩也

充耳

用白絛二塊如棗核大以塞耳

幘目帛

用熟絹方尺二寸夾縫內充以

絮四角有繫於後結之

握手巾

用熟絹二幅各長尺二寸廣五寸以裹手兩端各有繫

深

衣明衣裳

用白布新製貼身者

大帶

布履

一雙袍襖有絛者

汗

衫袴布襪

勒帛

裹肚

以上隨所用之多少皆新製者

衾

冒

見考證今世用冒於小敝非是

舍具

錢

一丈金珠亦可

箱

竹木器皆可

米

二升臨用以新水新令精

碗

盛米者

匙

鹽盆

斂具

縣布

用細者絹亦可用以為二斂之絃

衾

二一即向以覆者一有縣者

衿

單被也用布五幅

牀

席

褥

薦

奠具

卓子

香爐

香合

香匙

酒注

酒盞

碗

盤

櫟

茶

盞并托

罩巾

製竹為之蒙以細紗

鹽

盆

忱巾

燭臺

脯

醢

括髮免髻之具

麻繩

布頭帶

用以括髮者

裂布

或絹亦可

用以  
免者  
竹簪  
木亦可用  
以鑿者

服制之具

麻布

凡六等極麤生者以為齊衰服次等生者以為斬衰服次

以為期服稍麤熟布為大功服稍細熟布為小功服細熟布為總麻服

有子麻

泉麻

草屨  
線  
竹杖  
或桐木  
髹

靈座魂帛銘旌之具

交椅

卓子

幃幕

用布為之設於

堂裏以別內外者也  
衣架  
帕

坐褥

衣服

生時所用者

櫛合

類盆  
枕巾

沐帳

枕席衾褥全靴鞋凡生時奉養之具皆備  
紅絹  
為銘旌者

或綴

竹竿

木跗

白絹

為魂帛者  
粉  
書銘旌者  
箱  
盛魂帛者

治葬之具 炭 石灰 細紗 黃土 瀝青 石

淡酒 薄板 桐油

送葬之具 明器 下帳 苞筭 嬰嬰 功布 喪

車 竹格 木主箱 木主橫 方相 戈盾 冠服 面具

方相服冠如道士執戈揚盾盾牌也四品以上四目為方相以下兩目為懸頭 靈車 玄色

絹淺紅 縵布幕 所以障婦人者

當用之物 燭 香 木 竹 石灰 炭 黃泥

盆 甕 刀 斧 鋤 鋸 畚 杵

當用之人

贊者 祝

侍者

以上皆用親戚及常役使者臨時為之

內御者

沐浴婦人用之

執事者

方相

用狂夫或師巫為之

木工

鍼

工 漆工

石工

以上物事皆相禮者與護喪者計議或因其舊而用之或一器而數

處用之或借諸其親鄰或買之市肆或命工修造皆次第預為措辦免致臨時倉卒失誤則禮不難行矣

乾學案丘氏所載諸器物非盡始死時所需

多有用於既襲既斂之後者今以其不可分

析故仍其舊總錄之

乃易衣不食

妻子婦妾皆去冠及上服被髮男子扱上衽徒跣餘有服者皆去華飾為人後者為

本生父母及女子已嫁者皆不被髮徒跣諸子三日不食期九月之喪三不食五月三月之喪再不食親戚隣

里為糜粥以食之尊長強之少食可也衣前襟之帶華飾謂錦繡紅紫金玉珠翠之類是也

**治棺**

護喪命匠擇木為棺油杉為上柏次之土杉為下其制方直頭大足小僅取容身勿令高大及為虛

簷高足內外皆用灰漆內仍用瀝青溶瀉厚半寸以上以煉熟秣米灰鋪其底厚四寸許上鋪以紙紙上加七

星板其底四隅各釘大鐵環動則以大索貫而舉之

**訃告于親戚僚友**

護喪司書為之發書若無則主人自訃親戚不訃僚友自餘書問悉傳以

書來弔者並須  
卒哭後答之

**執事者設幃及牀遷尸掘坎**

執事者以幃障卧內侍者設牀於尸牀前縱置之施



簣去薦設席枕遷尸其上南  
首覆以衾掘坎於屏處潔地  
陳襲衣以卓子陳於堂前

幅巾一充耳二幘目帛握手帛深衣一大帶一履  
二袍襖汗衫袴襪勒帛裹肚之類隨所用之多少沐浴

飯含之具

以卓子陳於堂前西壁下南上錢三實於小箱米二升以新水漸令精實於盥櫛一沐巾

一浴巾二上下體各用其一也

乃沐浴

侍者以湯入主人以下皆出惟外北面侍者沐髮櫛之晞以巾

撮為髻抗衾而浴拭以巾翦爪其襲侍者別設篋沐於沐浴餘水并巾櫛弃於坎而埋之惟外施薦席褥枕

先置大帶深衣袍襖汗衫袴襪勒帛裹肚之類於其上  
遂舉以入置浴牀之西遷尸於其上悉去病時衣及復

衣易以新衣但未徙尸牀置堂中間卑幼則各於室中著幅巾深衣履間餘言在堂者微

乃奠

執事者以卓子置脯醢升自阼階祝盥手洗盞斟酒奠於尸東當肩巾之祝以親戚為之

主人以下為位而哭

主人坐于牀東莫北衆男應服三年者坐其下皆藉以橐同姓期功

以下各以服次坐於其後皆西向南上尊行以長幼坐於牀東北壁下南面西上藉以席薦主婦衆婦女坐於

牀西藉以橐同姓婦女以服為次坐於其後皆東向南上尊行以長幼坐於牀西北壁下南向東上藉以薦橐

妾婢立婦女之後別設幃以障內外異姓之親丈夫坐於幃外之東北向西上婦人坐於幃外之西北向東上

皆藉以席以服為行無服在後若內喪則同姓丈夫尊卑坐於幃外之東北面西上異姓丈夫坐於幃外之

西北面東上三年之喪夜則寢於尸旁藉橐枕塊羸病者藉以草薦可也期以下寢於側近男女異室外親

歸家乃舍飯主人哭盡哀左袒自前扱於腰之右盥手可也乃舍飯執籍以入侍者一人挿匙於米盥執以從

置於尸西徹枕以幃巾入覆面主人就尸東由足而西牀上坐東面舉巾以匙抄米實於尸口之右并實一錢

再實於尸口之左實一錢三實於尸口侍者卒襲覆以之中實一錢去楔齒掩所袒衣復位

衾

加幅中充耳設幙目納屨乃襲深衣結大帶設握手覆以衾

高閼曰禮士襲衣三稱而子羔之襲也衣五稱孔子之喪公西赤掌殯葬焉襲衣十一稱加朝服一雜記曰公襲九稱蓋襲數之不同如此大抵衣衾唯欲其厚爾衣衾之所以厚者豈徒以設飾哉蓋人死斯惡之矣聖人不忍言也但制為典禮使厚其衣衾而已今世之襲者不知此意或止用單袷一稱雖富貴之家衣衾畢備皆不以襲斂又不能謹藏古人遺衣裳必置於靈座既而藏於廟中乃或相與分之甚至計直貿易以充喪費徒加功於無用殯財於無謂而所以附其身者曾不之慮嗚呼又孰若用以襲斂而使亡者獲厚庇於九泉之下哉

楊復曰案高氏一用禮經襲斂用衣多故襲有冒小斂有布絞大斂有布絞布紵所以保其肌體者固矣司馬氏欲從簡易襲斂用衣少故小斂雖有布絞而襲則無冒大斂則無絞衿此為疎略先生初述家禮皆取司馬公書儀後與學者論禮以高氏喪禮為最善遺命治喪俾用儀禮此可以見其去折衷之意矣況夫古者襲斂用衣甚多故古有襚士喪禮親者襚庶兄弟襚朋友襚又君使人襚今世俗有襲而無大小斂故襚禮亦從而廢惜哉然欲悉從高氏之說則誠非貧者所能辦有如司馬公之所慮者但當量其力之所及可也愚故於襲小斂大斂之下悉述儀禮并高氏之說以備參考

### 置靈座設魂帛

設旒於尸南覆以帕置椅卓其前結白絹為魂帛置椅上設香爐合盞注酒果

於卓子上侍者朝夕設櫛  
類奉養之具皆如平生

問重朱子曰三禮圖有畫像可考然且如司馬公之說亦是合時之宜不必過泥於古也

楊復曰禮大夫無主者束帛依神司馬公用魂帛蓋取束帛依神之意高氏謂古人遺衣裳置於靈座既而藏於廟中恐當從此說以遺衣裳置於座而加魂帛於其上可也

### 立銘旌

以絳帛為銘旌廣終幅三品以上九尺五品以下八尺六品以下七尺書曰某官某公之柩無

官即隨其生時所稱以竹為杠如其長置於靈座之右

不作佛事執友親厚之人

### 至是入哭可也

主人未成服而來哭者當服深衣臨尸哭盡哀出拜靈座上香再拜遂弔主人

相向哭盡哀主人以哭對無辭

丘濬曰主人未成服來哭者素淡色衣可也案高氏曰古人謂弔喪不及尸非禮也今多待成服而後弔

則非也又曰親始死雖不敢出見賓然有所尊者則不可不出今本注有弔主人相向盡哀主人以哭對無辭之文則是主人出對賓矣然考書儀及厚終禮又有未成服主人不出護喪代拜之說今兩存之各為其儀於後俾有喪者於所尊親用前儀於所疏遠者用後儀云

儀節

舉哀

弔者臨尸哭

詣靈座前上香

鞠躬拜興拜

興平身

哀止

弔主人

弔者向主人致辭曰某人

如何不淑主

人稽顙拜興拜興

主人徒跣扱衽捐心立西階下向賓立且拜且哭無辭賓答拜相

向哭

弔者與主人相向哭盡哀

禮畢

弔者哭出主人哭入護喪送弔者出門以上主人未成服

有來弔者用此蓋本家禮本注及喪大記也

舉哀

弔者入門望尸哭

哀止

護喪者見

弔者致辭曰竊聞某如何不淑拜興拜興平身

弔者拜護

喪答拜

護喪答辭曰孤某遭此凶禍蒙慰問以未成服

不敢出見不勝哀感使某拜拜興拜興平身

弔者答拜禮

畢

弔者退護喪送出門外以上主人未成服時有來弔者用此儀蓋本書儀及厚終禮也若成服以後

有來弔者其儀見本條下

乾學案古禮行弔未襲之前主人不出既襲

之後主人始出拜賓然但主人拜賓賓不答

拜其意蓋為執事而來不敢自居於賓也至

於尸柩所在雖朝夕設奠從無拜禮不但弔  
賓不拜即孝子亦未嘗拜蓋事之如生禮如  
是也後世如開元政和諸禮皆然猶有古人  
之意至溫公書儀則有賓主交拜之禮且有  
入拜靈座之禮而文公家禮悉遵之與古禮  
始異矣夫古人之於尸柩雖子孫猶且不拜  
奈何賓客而使之拜哉今世之弔賓無有不  
拜靈座者甚有高年尊長之人而僕僕下拜



於卑幼與豈情之所安乎雖世俗通行難以  
猝變唯於平日未嘗受拜者則固辭而力却  
之庶幾協於人情而不悖於禮矣

明會典品官喪禮

有疾遷於正寢養者皆齋徹樂飲藥疾困去故衣加新衣  
清埽內外分禱所祀侍者坐持手足遺言則書之屬續  
以俟絕氣男子不絕於婦人之手婦人不絕於男子之  
手乃廢牀寢於地孝子啼餘皆哭男子白布衣被髮徒

跣婦人青縑衣被髮不徒跣女子子亦然

父為長子為人後者為其本生

父母皆不徒跣女子嫁者髻

齊衰以下丈夫素冠婦人去首飾孝子坐

於牀東餘在其後啼踊無算兄弟之子以下又在其後俱西面南上妻坐於牀西妾及女子子在其後哭踊無算兄弟之女以下又在其後俱東面南上藉槩坐哭內外之際隔以行帷祖父以下於帷東北壁下南面西上祖母以下於帷西北壁下南面東上外姻丈夫於戶外東北面西上婦人於主婦西南北面東上皆舒席坐哭

若舍窄則宗親丈夫在戶外之東北面西上外姻丈夫在戶外之西北面東上若內喪則尊行丈夫外親丈夫席位於前堂在戶外之左右俱西面宗親戶東西上外親戶西東上乃復於正寢復者以死者之上服左荷之升自前東榮當屋覆棟北面西上左執領右執腰招以左每招曰某人復三呼而止

男子稱字及伯仲婦女稱姓

以衣投於前承

之以篋升自東階入以覆尸復者降自後西榮乃立喪

主長子無主則長孫主婦

亡者之妻無則主喪者之妻

護喪

子孫知禮能幹者為之

司書

司貨

子弟或使僕為之

執事者設牀於室戶內之西去脚舒簾

設枕施幄遷尸於牀南首覆用敝衾去死衣即牀而奠

奠者以酒饌升自東階設於尸東當牖

內喪皆內贊者行事受於戶外

入而設之既奠贊者降出帷堂掌事者掘坎於屏處盆盤之

屬陳於西階下沐巾浴巾浴衣皆具於西序南上陳襲

衣於房中掌事者為湯以俟以浴盆及沐盤升自西階

以授沐者

以待者四人為之六品以下二人

沐者入喪主以下皆出戶

外北面西上俱立哭乃沐櫛束髮用組抗衾而浴拭以

巾餘水弃於坎設牀於尸東衽下莞上簟浴者舉尸易  
牀設枕翦鬚斷爪盛於小囊大斂納於棺著明衣裳以  
方巾覆面仍以大斂之衾覆之喪主以下入就位哭乃

含贊者奉盤水及筭升堂含者

六品以下喪主自為之

盥手於戶

外贊者沃盥含者洗飯玉實於筭執以入贊者從入北  
面徹枕奠筭於尸東含者坐於牀東西面發巾實飯含  
於尸口訖喪主復位襲者以牀升入設於尸東布枕席  
如初執服者陳襲衣於席遷尸於席上而衣之去巾加

面衣設充耳著握手納履若舄履以大斂之衾內外皆就位哭乃置靈座結白絹為魂帛立銘旌倚於靈座之右諸子三日不食期九月之喪三不食五月三月之喪再不食

庶人喪禮

疾病遷居正寢清埽內外分禱所祀使人坐持手足遺言則書之屬纊以俟絕氣氣絕乃哭廢牀寢於地乃易服男子扱上衽被髮徒跣婦人去冠被髮不徒跣諸有

服者皆去華飾乃復侍者一人以死者之上服嘗經衣者左執領右執腰升屋中甯北向招之三呼曰某人復畢卷衣降覆尸上男女哭擗無數乃立喪主主婦護喪

司書司貨護喪命匠擇木為棺

或已有棺則不再治

訖執事者設幃及沐遷尸其上南首覆以衾卽沐而奠奠

訖掌事者掘坎於屏處潔地乃陳襲衣於堂東壁下及

飯含沐浴之具侍者以湯入喪主以下皆出幃外北面

侍者沐髮櫛之晞以巾擗為髻抗衾而浴拭以巾翦爪

并沐浴餘水中櫛棄於坎而埋之侍者設襲牀於幃外  
施薦席褥枕先置深衣大帶袴襪汗衫之類於其上遂  
舉以入置浴沐之西遷尸其上悉去病時衣及復衣易  
以新衣徙尸牀置堂中間喪主以下就位而哭喪主坐  
於牀東衆男子應服三年者坐其下皆藉以橐同姓期  
功以下各以服次坐於其後皆西面南上尊行以長幼  
坐於牀東北壁下南向西上藉以席薦主婦衆婦女坐  
於牀西藉以橐同姓婦女以服為次坐於其後皆東向



南上尊行以長幼坐於牀西北壁下南向東上藉以席  
薦妾婢立於婦女之後別設幃以障內外異姓之親丈  
夫坐於帷外之東北面西上婦人坐於帷外之西北面  
東上皆藉以席以服為行無服者在後若內喪則同姓  
丈夫尊卑坐於帷外之東北面西上異姓丈夫坐於帷  
外之西北面東上乃含喪主哭盡哀左袒自前扱於腰  
之右盥手執錢箱以入侍者一人插匙於米盥執以從  
置於尸西以幘巾徹枕覆面喪主就尸東由足而西牀

上坐東面舉巾以匙抄米實於尸口并實以錢侍者加  
幅巾充耳設幘目納履乃襲深衣結大帶設握手覆以  
衾置靈座設魂帛立銘旌諸子三日不食期九月之喪  
三不食五月三月之喪再不食

讀禮通考卷四十一